

መ.ወ.ሸ.ደ.ኤ. ጌማም 2024 ወዲ ወስታት 2025 ለአፈግር



መሕበር ወጠን ሸባብ ወደረሰ ኤራትሮፊ: እት የም 27 ወ28 ዲሰምበር- ጌማም ወራታት 2024 እንዲ ወደ: እት ስታት ሸቁል 2025 ሁድገ።

እብ መስኪሊን አቅሳም መክተብ መርከቢ ወአቃሊም: ክምሰልሁመ እብ ወካይል ሙዲርያት እተ ትቀደመ ተቃሪር: እት እዳራት ደዋይሕ ወመዳርስ ዝያድ ተርኪዝ እንዲ ገኡ: መትዝም ወፈዛዐት ሸባብ ወደረሰ እት መጃላት ስያሰት ወመትዝም ለወቅሎ: ንየት ወመትሐሳር እት ተዕሊም ለለዓቤ: ክምሰልሁመ በራምጅ ዓዳት ወእዕላም ለለአደቅቦ ወራታት እት ፍዕል ክምሰል ልውዕል ሸርሐ።

እዳራት ደዋይሕ ወመዳርያት ለአንበተ በራምጅ ፍጥር ወስፍዐት ክምሰልሁመ እት ኩልያት ለገኡ መሀረጃናት ወእግል ደረሰ ፈዳብያም ለተሀየበ ጀዋእዝ ጌማም ገኡ እቲ።

ጀዋንብ ፈዳብ ወሐዋን እት እዳራት ደዋይሕ እበ ከስስ እተ ትቀደመት ወረቀት ንቃሽ ህዩ: እት ቀድየት አክላቅያት ወሕፍዘት ሰዋልፍ ለገብእ አትፋዘያት ዝያድ እግል ልተላሌ: ወራታት መሕበር እት አፍሪዐት መዳርስ ወኩልያት እግል ልትአክድ ወራት ስቡል እግል ትሰርገል: መሓግዝ መዋሰላት ወአላት መካትብ ሕሉል እግል ልትባሰር እሉ: እት ክሉ ለልትሰርገል ወራታት ህዩ

መሳዋት ጅንስ እት ወግም እግል ልእቲ እት ናይ ሕበር መፋህመት ትበጸሐ።

ርኢስ መሕበር ወጠን ሸባብ ወደረሰ ኤራትሮፊ አሰይድ ሳልሕ አሕመዲን እት ካቲመ እተ አስመዐየ ከሊመት: እት እዳራት ደዋይሕ ወመዳርስ መትአያስ ፍንቲይ እንዲ ገኡ ለገኡ በራምጅ አትፋዘያት ፍገራት ሰኔት ክም ትረከበት ምኑ እት ሸርሐ: እት 2025 አግደ ተርኪዝ መሕበር እንዲ ገኡ እግል ልተላሌ ሰበት ቲ: መዓወነት አጅህዘት ጀብሀት ሸዕብየት እግል ደመቅራዋየት ወወዳለት: አጅህዘት እዳራት ወወዛረት ተዕሊም ዝያድ እግል ልተላሌ ትላከ።

ዐዲ-ቀይሕ: ዓይላት ግዳዓት ሰደይት ንዋይ ገብአት እግለን

መክተብ ወዛረት ዐመል ወመንገር እጅትማዕየት እት ሙዲርያት ዐዲ-ቀይሕ: እግል ምስኩናም: ሬፍዐት ዓይላት ወወላድ ሹሀደ እግል ክል ምኖም እብ ዐወል 10 አልፍ ነቅፋ ሰዳይት ንዋይ ወደየ።

ለእት የም 28 ዲሰምበር ሰዳይት ለገብአት እሎም 14 መዋጥን: ምን እዳራት ደዋይሕ ተትንዳዕ: ዐቢ-ግራት: ማእሌውያ: እንግዳኻት: ማህገሎ-ዙላ: ሲቢራሶ ወሓይኔባ እርትከ እብ ክል እዳረት ደዋይሕ ለመጽእ ቲ።

መስኪሊት መክተብ አሰይደ መድሃኒት ግርማይ እግል ኤሪን እተ ሀቡተ ሐብራ: ህደፍለ በርናምጅ ሰን መንበር ግዳዓም ጀሃት ክምቲ



እት ወድሕ: ሙጅተመዕ እግል ልትዓወን ምስለን ትፋኔት። እተ ሐልፈ ወርሕ አክቶበር'መ:

ሕድ እበ ሸብህ በርናምጅ 7 ዓይላት ክም ትሳረሐየ ለልትዘከር ቲ።

ሳዋ: መሕበር ሙደርሲን 2ኛ ወዕላሁ ሰርገል

እት ሰነት 2019 ለተአሰሰ መሕበር ሙደርሲን ኤራትሮፊ ፈርዕ ሳዋ: እት የም 29 ዲሰምበር 2ይ ወዕላሁ ሰርገል።

ርኢስ መሕበር ሙደርሲን ኤራትሮፊ መምህር ስምኡን መሓሪ እተ አስመዐየ ከሊመት: ህደፍ መሕበር እብ መጀብ መስኪልየት ሀውየት ወምህነት አኻላቅያት ሐቀለ ሸርሐ: እት ቀበት ሙጅተመዕ መሰል ሰኔ ላቲ መትዝም

እግል አደቀቦት ልትክደም እሉ ክምሰል ሀለ ወደሐ።

ሙዲር መድረሰት ዋርሳይ-ይክኦሎ መምህር ርእሶም ገብረሂወት እብ ተረቲ: መሕበር ሙደርሲን ኤራትሮፊ ናይ ምህነት ወመትሳዳይ መሕበር ሰበት ቲ: ክል ሙደርሲን እግል ዐየት መሕበር እግል ልክደም አትፋቀይ።

እት ደንገበ ሰብለ ወዕላ: ወራታትለ

ፈርዕ ለተአትመቃርሕ ልጅነት ሐቀለ ሐረው: እብ ሞት ለልትፈንቲ ምኖም ነፈር መሕበር ለትደፈዕ ሰደይት እግል ቲዘይ: እግል ሐማይም ወወራቅ ሕፍዝ እግል ለአዳሉ ለሰሐዘ ሙደርሲን ህዩ ሰደይት እግል ትግበእ እሎም እት ለአትፋቅይ: እግል ዐየት መሕበር ደለ ምኖም ትጠሉበ እግል ለአግዱ ዱልያም ክምቶም አክደው።

ድጌ ወሰንዐሬ ሕርያን እዳርዩን ወመመቅረሐት ሸቁል ገብእ

እት 8 እዳረት ደዋይሕ ሙዲርያት ድጌ: ሕርያን እዳርዩን: መመቅረሐት ሸቁል ወልጃን ደገጊት ትሰርገል።

ህደፍ ናይለ እት እዳራት ደዋይሕ ኪሩ: ሃዋሻይት: አፍሂምቦል: ጅሚል: ዓድእብርሂም: ሎትት: ግርጅናይ ወሐሻኪቶ ለገኡ ሕርያን: መደት ክድመቶም ለአክለት እግል በደሎት ክምቲ

ደዋይሕ አቅሊም ጋሽ-በርከ ላተ ሙዲርያት ድጌ: እት 80 ዐደታት ለልትክምክም ዝያድ 35 አልፍ ሸብ ነብራ።

እሊ ክእነ እት እንቲ: እት ሙዲርያት ሰንዐሬ: ምን 18 አስክ 28 ዲሰምበር ሕርያን መስኪሊን እዳራት ደዋይሕ: መመቅረሐት ሸቁል: ልጃን ደገጊት ወመአክበት ደራይብ ገኡ።



ሙዲርሊ ሙዲርያት አሰይድ ሁመድ ኤላ ሐብራ።

ለተሐረው እዳርዩን: መመቅረሐት ሸቁል ወልጃን ደገጊት: ሸብ ወሕኩመት ለአርፈዐየምተ መስኪልየት እንዲ ፈህመው: ክም መትሰባል ክም ከድሞ አክደው።

እብ አሳሰ ሐብራ መክተብ ዐላቃት ዓም እተ ሙዲርያት: እት 23 እዳረት ደዋይሕ 9 አዋልድ አንሳት ለብኡቶም 46 መስኪሊን እዳራት ደዋይሕ ወመመቅረሐት ሸቁል: እት 118 ዐደታት ህዩ ልጃን ደገጊት ወመአክበት ደራይብ ተሐረው።

ሐቲ ምን 16 እዳረት

ከበር እስትሻሃድ

መስኪል መሻርዕ ዐዲሃሎ ወመስኪል ቅሰም ማይ አቅሊም ምግብ አሰይድ ሳልሕ አሕመዲን ኢብራሂም: እት የም 29 ዲሰምበር እብ አመቱ ለተአመረ ሕማም እት 55 ዕምሩ አስተሸሀደ።



እብ መትሰባል ዛይድ ለልትአመር ነፈር 11 ደውረት ክድመት ወጠን ላቲ አሰይድ

ሳልሕ: እብ ነኩሩ ወፍክሩ ምን ሻረከ እቲ ወመቅደራቲ ለትርኤት እቲ ብናእ ፋብሪካት ሰፍነግ ባጽዕ ወአለቡ: ብንዩት ተሓቲት ወራታት ተውዘዕ ማይ: ፋብሪካት ፕሪካሰት ሕርጊት: ሸቅየት ከባሪ ጋሽ: ተኾምብያ: ህይኮት: አለቡ: ባርንት: ዐድ-ቀሽ ወዐድ ዐ-መር: ብንዩት ከዛናት ከርከበት ወሎጎ: ብናእ ክብሪ ከርከበት: መርከዝ ተጃረት ጋሕቴላይ: ክምሰልሁመ ብናእ ሐዲስ አትሳናይ ጅላብ ባጽዕ እግል ልትሀደግ ቀድር።

እምበል እሊ አሰይድ ሳልሕ: እት ለትፈናተ ጀብሃት: ሻፍግ ወመሀም ላቲ ጠባይዕ ዐስከርየት ለቡ ድቁብ ወራታት እብ መትሰባል ወፍክር ደር ለአግደ: አስክ ወቅት እስትሻሃዱ ህዩ እብ መትሰባል ዛይድ እግል ዐዳ ወሸዕቡ ለክድመ ምሔርባይ ቲ።

አሰይድ ሳልሕ አሕመዲን: ኩብ 6 ው'ላድ ቲ። ዓደት ቀብሩ ህዩ: ርኢስ ኢሰያስ አፍወርቂ: ውዘራእ ለብኡቶም ውቁላም ሰብ-ሰልጠነት ሕኩመት ወጀብሀት: ማርሐት ደዮናት: ቃደት ዳሽ: መሻቂቲ ወዓይላቲ እተ ሐድረው እቲ: ማሌ ለሀ የም 30 ዲሰምበር እት መቃብር ምሔርበት አስመረ ተመት።

መሻርዕ ዐዲሃሎ ወቅሰም ማይ አቅሊም ምግብ እብ እስትሻሃድ አሰይድ ሳልሕ አሕመዲን ለትሰመዐየም ሐዘን እት ሸርሐ: እግል ዐይላቲ: አቃርቡ ወመሻቂቲ ኤማን ወሰብር ለሀበኩም ልብሎ።

ጀርደት ኤሪትሮፕ ሐዳስ እት 18^ይ ሐለ

ቀደም 18 ሰነት የም 2 ጃንዋሪ 2008 ዲብ ክቱብ ትግራይት ታሪካይት አምዕል ተ። እግልጫ፡ ዲብ እለ አምዕል እለ ዲብ ታሪክ እብ ርትብት ገበይ ለትፈግር ሳምንታይት ጀሪደት እብ ሕኩመት ኤሪትሮፕ እት ክል አርቦዕ እግል ትፍገር ትቀረረ ወአስክ እለ ሃድል እምበል አትካራም ትፈግር አው ትጠበዕ ዐለት ወህሌት።

ሰበት እለ፡ እለ ዲብ ታሪክ ትግራይት እብ ትሉሉይ ወእብ ርትብት ገበይ እግል መደት 17 ሰነት እምበል አትካራም ለትፈናተ መዋዳዕ እንዴ አዳሌት ለትፈግር ጀሪደት፡ እት ታሪክ ክቱብ ትግራይት መክሰብ ዐቢ ተ።

ምን እብ ትሉሉይ ፈግር ለዐለ ወለህለ ዐዋሚድ ምን እንረኤ፡ አክባር፡ ቅሰሱ፡ ዓፍዮት፡ አዋልድ አንሳት፡ ዐማር፡ ሐርሱ፡ ሕበርበር፡ ነፌት አምር፡ ሕላይ ሰብ በዲር ወሕላይ ሰብ አዜ፡ ምን ሰጅል፡ ርዶደት፡ ዓዳት፡ ሸባብ፡ ገማል፡ ገማይ ስያሱት፡ ህግዮ ወላዲት ተ፡ ለትፈናተ መቃብላት ወተዕሊቃት፡ ክምሰልሁመ ፍንቱይ መዋዳዕ ተአፈግር ዐለት ወህሌት። እለቱ እግለ እት ዶሉ ለቀረኦ ልፍህም ምን ወእግለ በሐሰ ለወዳመ መርጀዕ አው መወለብ እንዴ ገብኦ የም እብ ደረሰ ጃምዐት ወብዕዳም ሰብ መቅደረት ክም መርጀዕ ጋብኦት ህሌት። እለቱ ህይ፡ ለመክሰብ እለ ጀሪደት እግል ህግዮ ትግራይት።

ጀሪደት ትግራይ ዲብ ናይ ሰልፍ አውካድ እብ ሰማን ሰፍሐት ምንመ አንበተት፡ ዲብ 2ይት ሰነት ምን ሰማን ሰፍሐት ዲብ 12 ሰፍሐት ተዐዳት። እምበልሁመ፡ ዲብለ እት ክል ሐል ለገብኦ ዲድ ሕርዮት ወ20 ጃን ምዕል ሹህደኦ ጠብዐት ፍንቱት እት ተአፈግር ጸንሐት። እብ ተውሳክ ዲብ አሌላት 20 ሰነት ዲድ ሕርዮትን እግል መደት ወሬሕ 16 ሰፍሐት ጠብዐት ፍንቱት አፍገረት።

እብ ክእነ ህይ ዲብ ክል ሰነት ዐቦት ዲብ ዐዋሚደ ወአግቡይ ክቱብ ዲብ ተርኤ፡ እብ ዶልዶሉ እግል ዐቦት ተሐይሰ ተሐምቅ ዲብ ልትበህል ወለትፈናተ መሓብር ጎማት ዲብ ልትገዝም ለነቅሱት ዲብ ተምም እለ፡ ዝያደት ለትትገፈዕ እብ ክሊማት ዲብ ተአዘይድ ወምሰል ለትፈናተው ሰብ መቅደረት ክሊማት ሐዲሰ ዲብ ትትገፈዕ ወዲብ ሳድቅ ህይ ዲብ ዐቦት ትትግሌ ህሌት።

ጀሪደት ኤሪትሮፕ ሐዳስ ሰነት 2024 እንዴ አትመመት ዲብ ሰነት 2025 ትትዐዴ ዲብ ህሌት፡ እግል ቀደም እለ ለዐለ እለ ዐዋሚድ ዲብ ተአትሓይሰ ወዲብ እምባተት ሐዲሰ ዐዋሚድ እግል ትትዐዴ ጠቢዒቱ። ምን እትለ ሰነት እለ ነኡነብቱ ለህሌት ዐዋሚድ፡ ዓሙድ ተርብዮት እግል ንኡሽ ወዐቢ ለልሐብር፡ ለመክር፡ ለለአደርሰ ወለአትፋጌዕ ዓሙድ ምሰለ ቀደመ እለ ሳምንታይ ለዐለ ዓሙድ ሕበርበር ዲብ ልትባደል ምን የም እንዴ አንበተ እግል ልፍገር ተ። ዓሙድ ነፌት አምር ቁርኣት እብ ሰበት ቱለል ዐለም ጀላብ እግል ለአምር እንዴ ትበህለ ምንለ ትመጽእ ሳምን እብ አክባር ካርጅ ብዱል ህሌ። ላመ ብዕድ ዐዋሚድ እብ ዶልዶሉ ምሰል ቁርኣቱ እበ ናሰብ እት ልትሓየሰ ወልትባደል እግል ሊገሰ ተ።

ዲብ ደንገበ ጀሪደት ኤሪትሮፕ ሐዳስ እብ ትፋድ ጸገም፡ በሐሰ ወመዕጸም መዳልየተ ወመሻርክተ እግል ለአድርሱ፡ ለሐብር ወለአትፋጌዕ ለቀድር መዋዳዕ እንዴ አዳሌት እት ክል አርቦዕ ለትፈግር ሳምንታይት ጀሪደት ተ። ሰበት እለ ለዐቢ መሐንዝ ዲብ ቁርኣተ ክመ ልትሐዜ በጸሕ ሰበት ይህሌት፡ ለትክተበት ህይ እግል ትትቀረኦ ሰበት ቡ እንሸኦለ እትለ ሰነት እለ ዲብለ በዝሐው ቁርኣተ እግል ትብጸሕ እብ ውዛረት እዕላም ወእብ ፍንቱይ ቅሰም ጀሪደት ለትትቀደረ እግል ቲዴ ጠብ ዕንድቅት ህሌት። ክሉም ቁርኣት ህይ፡ ምን እተ ህሌት እግል ለአምጽእው ወእግል ልቅርኡው ሕናመ እብ ጀህትን ዲብ ቁርኣተ ለትብጽሕ እብ አግቡይ እግል ነአዎሬሕ ምሰለ ክሰሰ ጀህት ተውዜዕ እግል ንትፋህም ላብድ ተ።

ኤሪትሮፕ ጽሑፍ

ክል አርቦዕ ለትጠብዕ ጀሪደት

መዳልያይ፡-
- መሐመድ እድሪስ

ለይአውት ወአርተፖት
* ዘህረ ዐሊ
* ፋዋን አድም

ተለፎን፡ 121797/07121322
ፋክሱ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.ቡ፡ 1284

ሀይኮተ፡ መሻረከት ሽዑብ ዲብ ወራታት ዐማር እግል ልዕቤ



እት ምዳርየት ሀይኮተ፡ ወራታት ዐማር ወእዳረት እብ ዋጅብ እግል ልትሰገል መሻረከት ሽዑብ እግል ቲዚድ ክምሰልበ መትፋቀዲ ትቀደመ።

ሙዲርላ ምዳርየት አሰይድ ሹኩዲን ሳልሕ እተ ሓለፈየ ልእከት፡ አህምዮት መሻረከት ሽዑብ እት

በራምጅ ዐማር እብ ዓመት፡ እት ሕፍዘት ማይ ወትርበት ወሰዳይት ዓይላት ሹህደ እት ሸሬሕ፡ እት 2025 እት ፍዕል ለልውዕል በራምጅ እግል ልትሸቁ፡ መሰኡሊን እዳራት ደዋዬሕ ወልጃን ደገጊት መትካዞም ሽዑብ እት አደቃብ እንዴ አትገከበው እግል ልክደዋ ትፋኑ።

መሰኡል ውሕደት ዐማር እቅትሳድ አሰይድ ሄፍክ ጸጋይ እብ ተረቱ፡ እት ገሌ አውካድ ለልትርኤ እምበል ቃኑን ናኩሰ ለገብኦ ሸቅየት ወናይ ሐል ደራይብ እት ወክዱ ኢድፍዐት እግል ልትሰየሕ ዲብ ልትወሰ፡ ፈዓልየት ናይለ ትሰተተ በራምጅ እግል አከዶት ጅህድ ሕበር ምህም ክምቱ ወደሐ።

ገለብ፡ መርከዝ ሸትል ዶር ዐቢ ቀድም ህለ

መርከዝ ሸትል ገለብ እበ ለአዳልዩ ሸትል፡ እት ወራታት ሸትል ወሕፍዘት ደዋር ተረት ለአገዴ ክምሰል ህሌ፡ መኤምራይ ዐማር ርዝቅ ዕጩይ አሰይድ በረከት መብረህቱ ሸርሐ።

እትለ ሰነት እለ 300 አልፍ ለትፈናተ ሸትል ክምሰል ትዳላ መ ሐበረ።

ለዐበ ክፋል ናይለ ሸትል እብ ደረጀት መዕየ ለተሐዘዐ አካናት፡ ለተርፈ ህይ እት መአሰሳት ሕኩመት፡ አካናት ዕባደት፡ መዳርሰ ወመቃብር ሹህደ ክምሰል ትሸተሉ፡ አሰይድ በረከት አፍህመ።

እግለ እተ ትመጽእ ሰነት ለገብኦ ሸትል እግል ልዳሌ መዳሊት ወዱ ክምሰል ህለው እት ሸርሕ ህይ።



ሐቀሰ ትዳለ እግል 11 እዳረት ደዋዬሕ ክም ልትህየብ አትአመረ።

እት ደንገበ አሰይድ በረከት፡ ወራታት ሸትል እንዴ ትደቀበ ዕሩቅ ድዋራት ክምሰል በዲሩ እግል

ለአቅብል፡ እት 2022 ምእት አልፍ፡ እት 2023 ህይ 300 አልፍ ክም ሸትለው እት ወድሕ፡ እት ፍዕል ለተአትናይት ፍገሪት ትትረከብ ምት ክምሰል ህሌት አብረህ።

ሳዋ፡ መሕበር ሙደርሲን 2^ይ ወዕላሁ ሰርገለ

እት ሰነት 2019 ለተአሰሰ መሕበር ሙደርሲን ኤሪትሮፕ ፈርዕ ሳዋ፡ እት የም 29 ዲሰምበር 2ይ ወዕላሁ ሰርገለ።

ርኢሰ መሕበር ሙደርሲን አርትርየ ኡስታዝ ስምኦን መሓሪ እተ አሰመዐየ ክሊመት፡ ሀደፍ መሕበር እብ መጅብ መሰኡልየት ሀዋየት ወምህነት አኸላቅዶት ሐቀሰ ሸርሐ፡ እት ቀበት ሙጅተመዕ መሰል ሰኔ

ላቱ መትካም እግል አደቀቦት ልትከደም እሉ ክምሰል ህለ ወደሐ።

ሙዲር መድረሰት ዋርሳይ-ይክኦሎ መምህር ርእሶም ገብረሂወት እብ ተረቱ፡ መሕበር ሙደርሲን አርትርየ ናይ ምህነት ወመትሳዳይ መሕበር ሰበት ተ፡ ክል ሙደርሰ እግል ዐቦት መሕበር እግል ልክደም አትፋቀደ።

እት ደንገበ ሰብለ ወዕለ፡

ወራታትለ ፈርዕ ለተአትመቃርሕ ልጅነት ሐቀሰ ሐረው፡ እብ ሞት ለልትፈንጉጌ ምኖም ነፈር መሕበር ለትደፈዕ ሰደይት እግል ቲዚድ፡ እግል ሐማይም ወወራቅ ሕፍዝ እግል ለአዳሉ ለለሐዙ ሙደርሲን ህይ ሰደይት እግል ትግበኦ እሎም እት ለአትፋቅዶ፡ እግል ዐቦት መሕበር ድለ ምኖም ትጠለብ እግል ለአግዱ ዱልዶም ክምቶም አከደው።

ሐልሐል፡ እት ቃኑን ለህለ ፈህም ወፈዛዐት እግል ልትወቀል፡ መሓደራት ተህየቦ

እት ምዳርየት ሐልሐል- እዳራት ደዋዬሕ ማይ-አዋልድ፡ መሰብሱ፡ ሐልሐል፡ ረህይ፡ ቀርጸት፡ እንረከብት፡ ገበይ አለቡ ወፈንሸቡ፡ እት ቃኑን ለህለ ፈህም ወፈዛዐት እግል ልትወቀል፡ መሓደራት ተህየቡ።

እተ ምን የም 12 አስክ 25 ዲሰምበር ለገኦ አትፋዘዎት፡ ቃእድ መርከዝ ፖሊስ እተ ምዳርየት ናይብ ተለንጉጌ ገብረትንሳኤ ብርሃኔ፡ አግደ

ሀደፍ ምን ጀራይም መትጀማል ወእት ዳፊዶቱ ዶር መዕየ እግል ትትወቀል ክምቱ ሸርሐ።

ሰዐይ መካይን ወምን ቅዶሰ ወለዐል ጸዕነት እት ብቅት ምን ካሩ አሰባብ ክምቶም እት ለሐብር፡ ሰዋጌን መካይን እብ ቀዋጊን ትራሬክ እግል ልትቀየዶ ወምን ጀሪመት እግል ልትጀመሉ ትፋኑ።

ሰላም ወመሰከብት ደዋር እግል

አድመኖት ዶር ሙጅተመዕ እግል ቲዚድ አትፋቀደ።

እብ ደረጀት ምዳርየት፡ እት ሰነት 2024 ምን ወርሕ ጃንዋሪ አሰክ ዲሰምበር 35 ጀሪመት ወ107 ዐገብ ክምሰል ትሰጀለ ለሸርሐ ናይብ ቴሌንጌ ገብረትንሳኤ፡ እምበል እለ ደረር ሐክር ወደማር እት መምተለካት ክም ጀረ አትአመረ።

ጾታ ክፋል

እት ድዋራት ነቅፈ ኢኮን ለእተ ዘመን ለሀይ ትንብረት ድን ካርየት ለይዐለት፡ እት መዐደይናም ክምሰል ከረ ጀዘረት ዐረብ ክምሰል ቅሰት (ቁሰ)፡ መጅኑን ለይላ ወዐንተረ እብኒ ሸዳድ ወዐብለ ወለት ኦብሁ እግል ንፍቀድ እንቀድር። ኦሪይ ዲሪር እንዲ ገብአው፡ እት እዲን እምበለ ክል ቁርኣይ ለለአትፈክር ቅሰት ምንበር ዲሪርም፡ እትላ እት እኩብር ለሀሌን እዲን ጠምጠም ስኔት ዲሪር እንዲ ኢለአዳውር፡ አሰክለ እተ እንገይሰ ለሀሌን ካልእ ዐለም ጌሰው ከክባባይ ገብአው ምን፡ ከከያት እትቼ ወጀሀራይ ህይ፡ ከከፎ ገብእ እግል ትግበእ ቱ፤ ምን እሊ ክሉ እንዲ ትዐደው ዲሪርም መሐበር ለአጠፋቁ ገብእ፤ ወለሀቶም አሕድ እት ልትሀገኖ እት ብቆት ዲሪር እንዲ ትካረው ፍዛሁ ለቃልየት አርወሐቶም ወዲ ወኢልትዐውቶ፤

በሊሰን ምን አፍለ መዳግማይላ ቅሰት ኦብ-አረይ ንርከቡ ወንቅርኡ። አይወ! መዳግማይ ቅሰቶም አብ አረይ እብ ክእኒ ዳግሙ። አካን አው ምሕል ድንግል ወመንደላይ እሙርቱ ለሀሌ። ምን ቀደሚን ለዐለው አግማም አሰክለ እን ወእንተ እንበጥር እተ ለሀሌን ምግላዮም አካን ድንግል ወመንደላይ ተ ለዐለ። ሰኣልይ ህይ፡ ከፍኑቲያም ለአምር ገብእ ሐቆ ተአመረው ወእትላ አካን እለ ክምሰል ሰብ ወጃብ ሌጣ ቶም ልትራከቦ ለዐለው እግል ዲመ አልዳይም፤

መ/አድም አብ አረይ እግል ጣግቶቱ ሐር ወቀደም እት ለአደውራ፡ እግል ብርሕ ረአሱ እብ ጣግቶቱ ሕቦፅ ህለ መሰለዩ መሰለኒ፡ እግል ሰሓቅ እት ለአትባርሀ እግልይ፡ ክእኒ በልሰ እቼ። “አዜካኒ እሊ ሰብ ለበርሐት ምን ኬር ኢትአፈግር ሐቆ ለቤሌኒ፡ እንዲ አትሉ፡ “አን ቀደም 300 ሰነት ለጃርየት ቅሰት ተ ለእግል እዳግም እግልክ ለሀሌኩ። በርዱ ሐቆ ተአመረው ምርት ኦብዕብ ኦብዕብ ለደግመየ እግሉ ህሌት፡ ህቱ ክምእኒ ልብል፡ “ለህ ሰነት ስሕል ወአውለት ሰኒ ረሸው።

ዐድ እትቼ ግንራራብ በሐር እምን ወድቲት ወሸኪከት ግንራራብ አሰራይ ወግላኒታት ሰብከው።

ዐድ ጀሀራመ ሸንክት ጠሐረ ሰልዐ ወባድን ገጸም ግብለት አተጅሀው፡ ምሕል ድንግል ወመንደላይ እብ ኢምራዱ ጨንበ። ሻምም እብ ክልኦት ዕጹፍ ዐዘቡ ወክርቡ፡ እት ወቅት ፍንቲቶም ተአመረ ወትብየን። እተ መደት ለሀ ላኪን እግል ሸሀረት ወሰምዐት እብ ዝያደት ምን ግም እት ግም ለሓልፍ ለዐለ ሕላይ ወሸዕር ቱ ለዐለ። ወሀቱ እት ቅሰት ድንግል ወመንደላይ ድንግማም ኢኮን። እትሊ ቅያሰ ሰብ ወራሕ ለገብእ ወቅት ፍንቲቶም መትሀጋንላ ክልኦት ሰብ ዲሪር ሰዱ እት ልትዐዱ፡ ሀገይናም እት አሕድ እብ ሰራይር ወደበኒት እት አሕድ ነድኦ ዐለው ልትባህሉ።

እትቼ ለበዘሐ ወቅት እግል ዐሩር ሰራይር እትላ አዋራፍለ

ድንግል ወመንደላይ

በሐር አክለ አቅመተት፡ እግል ህተ በዲር ትነብር እቱ ለዐለት ሞዳየ ወሞዳይላ ዐሩር ሰራይር እብ ሕሸመት እት ፈቅድ፡ ምን ቅሸን ዕጭት እት ምዕዳየ ለሀሌት እት ልትሳረር ትርእዩ ለዐለት፡ ለሓለት እብ ደሚረ እት ትኣትመጣውሩ፡ በደለ ምዱድ ጋድም ፋይሕ፡ ለብሩር ድበዕ ወሊጋምል ዓጩዩ ትሐራ እግሉ ዐለት።

እብ ህም ገም ደሚረ ህይ፡ እብ ክእኒ ትመክሩ ዐለት። “ሰራይር ሰግም ለሐይሰኩ። አን እግልክ ኔሰሐይት አኑ፡ ስኔትክ ለሐይ። በደል አጽለሎት እት ሐንቴ ገሊል ሕርየት ህሌት እግልክ ምን ቅሸን እት ቅሸን ትሰርር። ወምን ደብዐት እት ደብዐት ትቀይር። ምን ሻባይት እት ምላሌህ ሻባይት ተአወልውል። ገናበትክ ትብርድ ወእብ መካሪት ጠቢዐት ትትነፈዕ ወትትመተዕ። ወደግ እብረ ሐቆ በአኩ፡ እግል ምግላይ ድንግል ወመንደላይ ሰላም በለ እግልይ፡ ምን ደሚረ ድንግል ገለደ ለኢትጠል። ለዐቤት ሰላምዬ እግል ሹም ልብይ ጀሀራይ ተ። ምን አመረ እት መካፍፍ ሮረ ቀይሕ ወግሬት ሐቆ አወልወልኩ። ህቱ ቱ ለእግል ዕድሙ ኢጠልም፡ አፍሁ እብ እትቼ ለሀተምትም ወልቡ ምሰል ልብይ ሰብክ ወሳግም፡ አቤ! ለሓን ምሰልዬ ወለአክርም። ሰኒ ህሌት በሉ እግልይ ገርብ እት ግንራራብ በሐር ቀየሕ፡ ወቀልበ ምሰል ቀልብክ ዐዛብ ዲሪር ልትካፈ፡ ወለዘት ፍንቲት እብ ቀሱብ ልትገረር። ፍንቲት እት ጋድምታት ስሕል እንዲ ትጋረፈ ምሰልክ እት አውለት እብ ሀጋይን ሳገሙ። ዮም ዓመት ያሬት ለአውለት እበኝ ወረሸት! ወሰሕል ጋብእ ወገብአ ሐጋይ ጠረቡዱን ምሰል እግል ነሓልፍ እት ሮራብ ግልሰ ወመካፍፍ ነቅፈ። ትምኔት ላኪን ትምኔተ! ትገብእ ወኢትገብእ ምን አመረ! ምንዲ ትገብእ እብ ደንብርካመ ሚ ኢበደልከኒ። እግሉ እንዲ ሳቀቅኮ አዜ አዜታኒ እግል እብጸሕ እት ምራጃ ወንዶቹ፡ እብ ክልኤ ዕንቹ እርአየ አካነት ብክር ሻምዬ!! ዝክረት ድንግል ወመንደላይ። አሕ! ወይ አነ!” እት ትብልተ እትቼ ለእት ደሚረ እንዲ ገብኦት ተአነድደ ለዐለት እሳት ዲሪር፡ እግል አብረዶተ እብ ሐለት ምሰል አርወሐት ትትጋደል ለዐለት።

ካልእ ዮም ለግሌ ትፋኔተን ሰራይር እተ ለእግል ሐድገተን ወምን ሐፋነት ምድር እት ልትላህሰ ወእተ ማየ በሐር እንዲ ትጨባረቀየ፡ አርወሐተን እግል ለአንግፈ እት ለዐሎብጠ ጸንሐያህ። እብ ክእኒ ደግሞ እግልን ዐለት። “አንትን ለሰግም እግል ፋኦደት እትቼ መሰሌክን ወለ አርወሐትክን ስኔት አቤት እትክን፤ ወለ ሎሂ ሰራይር ሎሂ ኢሞላድክን ወእት ኢሞዳይክን ገብእ እትክን፤ እግል ስኔት ኢትቅጠረ ወኢትብረድ እግልክ ገናበትክን መትላሃሰ ወዐለጅ እት ሐንቴ ገሊለት ገብአክን። ነፈር ወፈሪር ምን ቅሸን እት ቅሸን ኢትረከብ፤ ምትላሃሰ

እት ሐንቴ ገሊል መአዜ አርወሐት ምን ሞት አንገፈ፤ ኢትፋርጠ ወኢትራግጽ፡ ነሲሐቹ ትከበተ። ሌሃተ ደብከት ግድም ደረት እት ረአሰ አድብር አውለት፡ እግል ትሳግም ትምኔተ አ'መት እግል ተአትምም ወተአወልውል እት ረወራት ወእግል ትብዩእ ፈልከት ለመሓዘ ዲሪት። ምን ሰግምከን ሰግምላ ደበኒት ለሐይሰ እግል ንብጸሕ እት ምራድነ ወንዶትን” ተ ትብሉ ለዐለት እትቼ እግል ሰራይር እንዲ መሸገቱ እብ ዐገብ ትካረፈቱ። ምሰል ደብክ አውል እግል ትትመሳኔ ትቀፈቀት።

ጀሀራይመ ፍንቲት ፋቲ ወፍቱይ ዐዛበ በዘሐ እቱ። ክል ዶል እብ ደሚሩ ምሰል ዝክርያት እትቼ ቀንጽ ወልትገሴ፡ ሰብክ ወሳግም፡ እንዲ ኢኮን ሐቆ ለላህም ላቱ፡ ህቱ ወፈያገት ዐዶም አሕድ ኢትጋወረ። ፍክሩ ወደሚሩ ምሰል ከዶል እትቼ ሌጣ አምሆለሰ። ምን



ሰሐቅ ወሀጃክ መሐር አጨንበ። ልቡ ቶሰ ወፍክሩ ትረበሸ። ምዕል ሐቱ እተ ሰሰ ወራሕ ለእግሉ ትፈናተው ምሰል ዝክሪያት እትቼ ገምም ሐቆ ጸንሐ፡ አመት አለበ ፈጅአተን እግል ታውረት እግል ምርት እንዲ ኢደግም ወኢልትጋሚ፡ አሰክለ ደሚሩ ወልቡ ዓርግም እቱ ለዐለው ስሕል ቅንጹት ሻይይቱ ቀንጸ። ሐቆ ግያሰ ላሊ ወአምዕል እተ እትቼ ለዐለት እቱ አካበ ክምሰል ጋሻይ ረዩሞም ቅሩሶም ምድገ ክዋናሁ ከረ። እትቼ ከንዶእ ለአሰአለየ ላሊ ሐቆ ትክፈለት ወበዐል “እለ ርኤኑ፡ ወእለ ሰመዐኮ” አመት ምትክራሩ ወደ፡ ጠበሸ ቱሉ። አፈቶቶም እብ ሀጅክ ተቀም ቤሉ። አልባብ እግል ረአየት አሕድ ፈርሐ ወቀርደ።

ሐቆ ዐዛብ ወክርቡ፡ ሰርቡብ ወሰፈላል፡ ፍንቲት ወመትሀጋን፡ እብ ፈርሐት ወለውቀት፡ ዕርፍ ወመርኢት፡ ክምሰል ህሌት እግል ድንግል ወመንደላይ እትላ ነገር እለ ወድሐት እግሉም። ጀሀራይ ጽብሕ ምድር ክምሰል እግል መጽኦ፡ እምበለ እት አምዲቱ ሞብጠብ ለዐለ ክፋፍ ሶተሉ፡ ወለ እት ህብጡ ሳውቸ ለዐለ ሰፍ ፍዱድ ወትናት ምሰል ገለብ፡ ሕራብ ወሕዝርፍቱ፡ መርኢት እትቼ እንዲ ወደዩ፡ እብ ለእግሉ ኩዩድ ለዐለ አሰሩ ረአሱ ሐር አቅበሉ። ለእግል ካተረ ረያም ገበይ ወሰዱድ ሰፈር ልብ እንዲ ኢከራ እቱ፡ ለምኑ ትብገሰ ክዋናሁ ራብዕ ላሊሁ እቱ ክማም ገብኦ። ክልኤ እግሩ ገይሱ፡ ወክሉ ፍክሩ ወሕሳባቱ እት ምሐዋ ሻማት እትቼ ቱ ለሐምሰ ለዐለ። አይወ! ለግርመተ ኢትትጸገብ በዐለ ሻሙ። ለአማነተ ኢትከይን አንሳይት ወለት ግሙ። ለሐጠረ ኢልትዐሬ፡ ሐራሰ ገመኔ። ለምን ረአየት ዕን ኢብዴ ሰሓቅ ወተበሰም እትቼ። ምን

ላኪን ሐቱ አካን ኢትአገመት እተ። ክልኤቶም አብጽሐት ሰበት ዐለ እተ ምን ዕን ርእያይ ልትሐበዐዋተ፡ እግል ከሌብ (ሰራዕ) እንዲ ትዐደው፡ ሕሸመት አሕድ እግል ሊኪዶ ሓሰባሙ ኢለአምር። በስ እብ ረአየት አሕድ ደሚረም ፈይግ፡ ወአልባዎም ፈርሕ ሌጠ ዐለ። ሃባት ሻምም ህይ እብ ረአየት አሕድ ለአትቃሱት ወለሃሙዱ ዐለው። ለናይ አማን ዲሪር! ኢልትጠለም ወኢኪይን፡ ሐሸሞት አንሳይት ወሕሸመተ ወሰምዐት ወዕሰመቶም፡ ክምሰል ራክባይ ክልኤ ዕንቶም ለዐቁቡ ዐለው። አማን አማንተ መጦር ሐሰት ኢትሄርር ወኢትትጃገር። አማን አድሓተ በይናተ ወዋድሐት። ዲሪሩ ሌለ ማሌ፡ ወመትበአሰ ፈጅራተ የዐለ ለመዶም። እት አልባበ ፋቲያም እብ ጠልሰ ሉል ወጀውህር ውሩቅ ወዋሉሰ ለዐለ ናይ አማን ሻም ቱ። አብ አማነት ወነሳሐት ሐፋፍ፡ እብ ሰዳቅት ደሚር ወነሳሐት ቀልብ ክሉብ ቱ ለዐለ። አማን ህይ፡ አማነት እብ ግብአተ ምሰል ከይነት ወዋልም ኢትትሞለድ ወኢትትመሳኔ። እብ በይንክ ህሌ ወምሰል አዳም፡ ጽምእክ ወትምኔትክ ምን እት ነባሪ ገቢልክ ሕርም ላተ እግል ቲኪድ ኢልትረዲ እግልኩ። ምን ገቢል እግል ኢትትሰቀቅ። እሳት ፋቲ እብ ረአየት ፈታዩ፡ እት ብሕቶት ወሀጅክ ምሰሉ እበ ትብርድ።

ድንግል ወመንደላይመ ሰበር (ሰርዕ) ከንዶእ እንዲ ኢኮን፡ ሻምም እለ ሰበር እለ እግል ልሰረሮ ወልትዐደው ኢመሰሎ እትኩ። ደአም ልብ ፋቲ ለለአሰምዕ ምክራይ ሰበት የህለ ወየዐሉ፡ እምበለ እት ደሚረም ትትወሰወሰ ወትትሰወር ሐቱ ትትረአየም የዐለት። ህቶምመ እምበለ ናሶም ለአወዩን ወለሐሶ እቤ ካልእ ለሐሰበዩ ኢለአምኖ እበ ወኢለአምር። ከገበይ ዲሪር ታክየት ወቃሰየት እንዲ ገብኦት ምን ፍግረተ ገብእ ልትሀከው፤ ወለ ብጽዐ እንዲ ገብኦት ከምን ብቆት እንዲ ኢለአቀብሎ፡ ወበሐር እንዲ ገብኦት ከምን ተራቅ እንዲ ኢፈርሀ፡ ለእግል ገብኦት ምንዲ ትገብእ እግል ሄራርም ገለድ ትባይአው። ገበዮም ለእግል አብጸሐቶም እግል ተአብጽሐም፡ አሰክ ዲሪር እግል ትዋልዮም ቱ ለዐለ ለዐበ ሕሳባም ወፍክርም። አቤ! እለ ረያም ገበይ እብ ከሌብ ሕሚት ወሀድግ ወኢትሀደጊት ለትሓፈፈት ወትከለበት፡ ምሰል ለእት አሕድ ዐለት እግሉም ጽምእ ሰብ ሻማት መትነታለ ወቀሳየተ ምን ጽባብሐ ባይነት ተ ለዐለት። ከምን ጽባብሐ ሰፈር ለነወ ወእስኢት እብ ዋጅብ ለዋጨሉ፡ ለእግል ስቱት ወቃሰድ ለዐለ ላቱ እት ላሊ ልግበእ ወእት አምዕል በጽሐ። ከሰፈር ድንግል ወመንደላይ ለናይ ደንገበ ሕምግሌላለ ክዋናሁ እት ርሕለት ሻም እት አደሐ እግል ልብጽሓቱ ገብእ ሚ እት ላሊ፤ አድሐ ሐቆ በጽሐ ምራዱ ተመ ወሸንሂቱ አትመመ። እት ላሊ ሐቆ አትመመየ ህይ ከንዶእ፡ ጽልመት ዲ ጽልመት ተ። እምበል ዋልመት ወከይነት ለልትመሳኔ ምሰለ የሀሌ።

ሙሰውርገጽ አባል በረከት

እነዚህ ሰዎች ወክልና አሰክ አቅጥረው ጋሽ-በርከ ምዴርየት ሻምብቆ እንዲ ተሰጥቷቸው ከደማት እጅግ-ማዕደየት ዲብ ምዴርየት ሻምብቆ እግል ንድሉ፡ ምሳሌ አሰይድ ታረቁ አባይ መሰሉል እዳረት ወጣልየት ምዴርየት ሻምብቆ ሃድጋም ዐልገ፡ ታምም ጽበጥ ዲብ እለ ናይ ዮም ጥብባብ እንቀድሙ እግልኩም፡ ቅራኦት በኪተት።

ምዴርየት ሻምብቆ ሐቲ ምን ምዴርየት ጋሽ-በርከ እትገብእ እብ ቅብለት ምሳሌ መንሱረ ወመገሎ፡ እብ ምውዳቅ ጸኣይ ምሳሌ ባርንቶ ወጋሽ-ሰላል፡ እብ ምፍጋር ጸኣይ ህይ ምሳሌ ምዴርየት ሞልቂ ወእብ ግብለት ምሳሌ ደውላት ኦቶብየ ትትኣደድ። 16 እደራት ደዋሐ ወክልኤ ሽብህ መዳይን ሻምብቆ ወባድሚ ወ37 ዐደታት መልክ። ምን ጠፋሐት በሐር 929 መትር መትወቃል ህሌት ወ2,229 ኪሎ መትር መረባዕ ርሕብ ህለ እግል። እለ ምዴርየት እለ ቀውምያት ኩናመ፡ ናሪ፡ ትግርኛ ወሳህ፡ እብ ዓኢለት ሐድ 11,500 ወእብ ትንፋስ ህይ 45 አልፍ ሽብህ ነብረ። መናበረት ናይ እለ ሽብህ እለ ህይ ዲብ ሐርስ ወርዕዮ ለተንክበትት እብ ሐድ ቅያስ ህይ ናይ ትጃረት ነሻጣት ዲብ ልትፈረር። ለነሻጣት ትጃረት ልትፈረር ልትበህሎ ዲብ ሐርስ መ ክም ካልኣይ ሽቅል ለቀንጾ ቶም። ብዕድ ዲብ እለ መሓዝ ጋሽ ጀራዲን ለም ሐድ 600 ለገብእ ሐረሰቶት ምን ሰር ሄክታር አሰክ ሰለሰ ሄክታር ለመልኮ ቶም። ዲብ ወክድ ከረም ህይ ለመሓዝ ውሐዝ ሰበት ለኣቲ እቲ ብዙሕ ነሻጣት ኢወዳኒ፡ ዲብ ወክድ ሐጋይ እብ ረይ(መሰኖ) ወጠላለት ናይ ለሐልፈ ውሐዝ ወከረም ዐተር ወክድረዋት ዘርእ።

እለ ሽብህ እለ ዲብ ሕዳድ ኦቶብየ ሰበት ህለ፡ ዲብ ለሐልፈ ብዳየት ክልኤ አልፍ አሰክ ቀደም ሰላም ለዐለ ወክድ ሰር አርዱ ደማንት ለአለቡቲ ለዐለ። ገሌ ገሌ አካናት ህይ ርዕዮ ወሐርስ እግል ኢልግበእ እቲ ምኑዕ ለዐላቲ፡ ሰበት እለ ሽብህ ቃሰነት መናበረት ለኢመርሕ እቲ ተዋልልቲ ለዐለ። እትለ ወክድ እለ ላኪን እለ ምዴርየት ለትመልኮ



ከደማት እጅግ-ማዕደየት ምዴርየት ሻምብቆ

አርድ ለልትሐረስ ዲብ መንፈዕት ሐርስ ወናይ ርዕዮ ዲብ መንፈዕት ርዕዮ እግል ልውዐል ትቀደረ። ክም ክሉ ናይ ኤራትርየ ምዴርየት ዲብ እለ ምዴርየት እላመ ለምን አባይ ለዐለ ኮፍ እንዲ ትገልጸጸ፡ ሽብህ እንዲ ትፈረረ እብ ሰላም እግል ልእቲ ወናይ ሐርስ ወርዕዮ መናበረቲ ወአሸቃላት ዐማር ወጠኑ እምበል ፍርህ ከድም ህለ። ዲብ ሓልፈ መርሐለት ብዙሕ መሻክል ለከህለ ሽብህ፡ ኣኪመ ባክ ሕዳድ ሰበት ህለ ዝያድ እግል ልትኣፈዝ ወለገብእ ለመጽኢ መሻክል እንዲ እንተብህ እግል ልርአዮ ህይ ክልዶል ሐብሬ ወተዕቢኣት ዲብ ልትህየቡ እት ሰኔት ሓላት ህለ።

ምዴርየት ሻምብቆ ለሓልፈ ሐርብ ምሳሌ ወያኔ ለትዘመተ ምምተለካት ወለ ደመረ ኦብያት ምን ክሉ ወለዐል ህይ አሰክ መቅበራት ናይ ምሕርብት ሹሃዳእ ለሐፍረው ዲብ ምዴርየት። እለ ህይ ለናይ ሽብህ መአሰሳት ሽብህ ናሱ ክሉ እብ አባይ ለሳደፈዶ፡ እብ እንዲ ኢደንግጽ እብ ብዙሕ ጅህድ መስከቡ ወመዲነቲ ክመ ናይ በዲር ክም ለአቀብል ወደ። ወለተሐንፈጫ ናይ ሹሃዳእ ተምሳል መቅበራት ክመ ህለዮ ለገብእ አትሳናይ እንዲ ገብእ እግሉ፡ እግል አጅያል ለጸንሕ እግል ልግበእ እት ምግብ ናይ ዘሪብት መቅበራት ሰበት ህለ፡ መትኣፋዝ ካሬ ወዐቂብ ጋብእ እግሉ ህለ።

16 እዳራት ደዋሐ ናይ እለ ምዴርየት ከደማት እጅግ-ማዕደየት ዲብ ለረክብ ዲብ ውጡይ ባካት ህለዮ ዶል ልትበህል ሰልፍ ለመጽእ ናይ ማይ፡ ዓፍየት ወተዕለም ከደማት። ተዕለም ህይ እት ክል እዳረት ደዋሐ መዳርስ ህለ፡ ሰበት እለ ለከደማት ሰኔ መትመዳድ ህለ እግሉ። እትለ በዝሐ ናይ መአንብታይ ወዲብ ገሌ ገሌ ህይ ናይ ምግባይ ደረጃት ለትወሰከ እቲ ህለ። ምሳሌ ቅርብ ወሪም ናይለ ባካት ደረሰ ዲብ ምግባይ ደረጃት ሐልፈው ምንገብእ ዲብ አዮ አካን ትቀርብ እግሉም እንዲ ትበህል ዲብ ወግም ለአተ ወለትወሰኩ። ናይ ካልኣይ ደረጃት መዳርስ ህይ ዲብ ሻምብቆ ወብሹክ ዲብ ክልኤ አካን ለህለ መዳርሰቲ። ሰበት እለ ናይ ተዕለም ከደማት ግሩም ህለ ሌጠ እንዲ ኢገብእ ምን ዶል ዲብ

ዶል ምሳሌ ብዝሐ ደረሰ መዳርስ ዲብ ወሰኩት ልትከደም ሰበት ህለ ለሐሰ ከደማት ናይ ሂበት ደረጃት ዲብ ህለ እግል ልትበህል ቀድር።

ከደማት መዋሰላት በህለት ናይ ሐራት ኦተባት ለህለ መሻክል ሰልፍ ለልትርኤ ናይ ጽርግዮ በቃዕት። እትለ ምዴርየት ለህለ ጽርግዮታት ህይ ክልዶል አሳናይ ገብእ እግሉ፡ ዲብ እለ ለሐልፈ ወክድ እብ ዝላም ከረም፡ ወኣይዝ እክናቡ ዐለ ህቲመ አሳናይ እንዲ ገብእ እግሉ ለናይ ሐራት ከጥ መዋሰላት እንቡት ህለ። ለልአሰፍ ላኪን ገሌ ዶል እብ ሕዲን ኦተባት ሰበት ለአትካርም ድሙን እግል ልግበእ ቃድር ኢህለኒ። እብ ሰብ እለ ህይ ሽብህ መዋሰላት ናይ ብሕቶት እብ ቃሊ ድፍዕያት እብ ዲብ ገደሰ ትርእዩ፡ እለመ ምሳሌ ቀላሁ ክመ ለአትሐዜ ለኢልትረከብ እብ ግብአቲ ናይ መዋሰላት መሻክል ህለ።

ሽብህ ደማነቲ ለትአክደት ነዲፍ ማይ እግል ንዋዩ ወርሐ እግል ልርከብ፡ እለ ክም አሳሲ መውደዕ ልትሸቁቡ ህለ ወልትሸቁቡ ጸንሐ። እትለ ለሐልፈት ሰነት ህይ እግል



አዳም ወንዋይ እት ወግም ለአተ ከዋን ዲብ ኮተብየ ትሸቀ። እት ክል ዐደታት ከደማት ማይ ለከሰሰ ህይ ዲብ እለ ወክድ እለ ለዐለ ድራላት ወዳላታት ናይ በዲር ምን ሐዲስ አሳናይ ገብእ እቲ ህለ። 18 ለገብእ ድራላት ህይ እንዲ ሰነዩ ክድመት እግል ለሀበ ዱልያት ህለዮ። ለታርፋት ለህለዮ መ በርናምጅ ጽቡጥ እግልን ህለ። ሰበት እለ ክለን ዐደታት ከደማት ማይ ለረክባቡ አግቡይ እብ ለትወቀለት ደረጃት ልትሸቁቡ ህለ። ዲብ እለ ትመጽእ ሰነት ህይ ክድመት ለአለበን እግል ልርከብ ክም ጀድወል ጽቡጥ ህለ።

ሕኩመት መአሰሳት ከደማት እጅግ-ማዕደየት ብንዮት ሌጠ ኢትን እግል ትውደዮ ለህለ እግል ክለን አጅህዘት ሕኩመት በህለት ዲብ እለ ምዴርየት ሻምብቆ ለህለው እንዲ ትፋህመው ህደፎም እግል ሽብህ ክድመት ሂበት ሰበት ቲ። እለ ናይ ተዕለም፡ እለ ናይ ዓፍየትቲ ወእለ ናይ እዳረትቲ እንዲ ኢልብሎ ክሎም እብ ሕበር ለህለ መሻክል ሽብህ እንዲ አመረው ወኢሌለው እብ ለህሌት መቅደረት ሕኩመት በሊስ እግል ልትህየብ ለወጅቡ አውለውየት እት ለህይቡ ሐል ለረክብ እግል ልሕለሎ

ከድሞ። እለ ዲብ ናይ እዳራት ደዋሐ እንዲ ኢተርፍ ልትሸቁቡ ለህለ ግያሰቲ። እብ ጃንብ ሽብህ ህይ እለ ራክቡ ለህለ መአሰሳት ክም ናይ እንዲ ረአዮ እግል ልዕቀቡ ወልትነፋዕ እቡ ለህለ ፈሀም፡ እለ መአሰሳት ናይ ሕኩመት ልትበህል እንዲኢትን ናይ ሽብህ መአሰሳትቲ እግልሚ ሽብህ እግል ልክደም እንዲ ትበህል ልትሸቀ ሰበት ገብእ። ሽብህ ህይ እብ ሕኩመት ሰነትቲ ለህሌት ሰታት እምበል አሰፍ እግል ልትነፈዕ ክልዶል ተሰጂዕ ገብእ እሉ። ዲብ ሕኩመት ለሐደደቲ ናይ ሽቅል ወክድ ወሳዖታት፡ ክሉ ሙወዘፍ ሕኩመት ዲብ አካን ሽቅሉ እንዲ ገብእ ክድመት ለልሀይብ እቡ ቲ ልትሸቁ ለህለ። ፈዛዕት ሙጅተማዕ ህይ ዲብ እለ ወክድ እለ ምሳሌ መአሰሳት ሕኩመት ለልትራኩብ ወክድመት እግል ልርከብ ለመጽእቲ። ለልአትሐዘዩ እግል ልትሰኣል ወበሊስ እግል ልርከብ ዲብ ለትፈናተ መጃል ናይ ትጃረት፡ ሐርሱ፡ ወብዕድ ከደማት ዲብ ወክዱ በሊስ ረክብ ወእግል መዋዕድ ለልትሐለፍ ህቲመ ዲብ ዕለቲ በሊስ ለረክብ እቡ ተፋህም



አሰይድ ታረቁ አባይ

እንዲ አትአመረው፡ ናይ ድፍዕት አሰክ እለ ዲብ ለትትሐዜ ደረጃት በጽሕ ሰበት ኢህለ ገሌ ለልአሰፍ ህለ። እለ እግል አሰነዮት ህይ ሽብህ ለመልኮ ንዋይ ወአርድ እብ ዋጅብ እግል ልድፋዕ እቲ ብዙሕ ተዕቢኣት ገብእ። እግልሚ ሽብህ ደራይብ ደፍዐ በህለት መትነፍዳይ ከደማት እጅግ-ማዕደየት ገብእ በህለት። ለምን ሽብህ ለትአክብ ደራይብ፡ ሕኩመት እንዲ አክበት ምን ሐዲስ ዲብ መንፈዕት ሽብህ ለልሀይብ መአሰሳት ዲብ ብንዮት ሰበት ተአውዕሎ እግል ናይ መናፍዕ ቲ። እለ ህይ ክም ለኢተርፍ ዕዳይ ልትነሳእ እግል ልድፍዮ ለወጅቡ ደራይብ ዲብ ክል ሰነት ክም ደፍዑ ገብእ።

ለህለ ተሐድያት ወናይ ሙስተቅበል በራምጅ ዶል እንርኤ ሰልፍ ለተሓድያት ለልትበህል ዲብ እለ ወክድ እለ ብዙሕ ህለ ኢልትበህል። ለህለ ነዋቅስ ላኪን ዲብ ክሉ ለህለ ናይ መሻቀይታት ለመሰል ቲ። ናይ ሙስተቅበል በራምጅ ህይ ናይ ዐማር ወደማንት ለከሰሰቲ። ሽብህ ሰላም እንዲ ረክብ ናይ ዐማር በራምጅ እግል ልክደም ወለ ህሌት እሉ መስከብት ዲብ እንዲ ተሐፈዘ። እግል ለአተላላፊ ፋህሙ ወፈዛዕቲ ዲብ ኦተረዶት ትሉሉይ ተዕቢኣት ወመዋጅሃት እንዲ ገብእ ልትሸቁቡ ህለ። አሸቃላት ዐማር ለከሰሰ ህይ ለበዝሐ ዲብ ሐሰናት መናበረት ናይ ሽብህ ለገንሕቲ። እትለ ከደማት እግል ሽብህ ለልሀይብ መአሰሳት አድመናት ካሬ ወሻፍግ ከደማት ዓፍየት፡ ተዕለም፡ ማይ ወብዕድ ሽብህ ክም ረክብ ከዲም። እለ ምዴርየት ሻምብቆ ህይ ለዐበ ሽብህ ለልትፈረር እቲ ናይ ሐርስ ወርዕዮ መጃል ሰበትቲ እለ ዲብ ዘበናይ አግቡይ ለልትጠወር እቡ በራምጅት እብ ዝያድ ዲብ ለረክዘ ክም በርናምጅ ጽቡጥ ለህለ።

እት አክር አሰይድ ታረቁ “ናይ ዮም ዓመት ከረም ለሐሰት ሰበት ዐለት እተይ ሐርስ ምዴርየት ሻምብቆ ሰኔ ህለ፡ ምናተ ሽብህ ለረክባይ እተይ አሰክ ዐዳገ እግል ለአዝብዩ ሕኔት ልትሳዔ እግል ትመጽእ ሰነት መሳርፋ አሰክ ለአደምን እግል ልተድብር እቡ ለቀድር አግቡይ ግያሰ እግል ልትነፋዕ አትፋቀደ”በሉ።

ምን ዶላ እትሐለ!!

ትምኔት ስኔት ምን ስብ ዊን



ሰወር፣ አቤል በረኸት

እት ግርበት 2024 ክርን ገቢል ኤራትርፍ፣ ተለፍዝዮን ኤራትርፍ ወጀሪደት ኤራትርፍ ሐዳስ ምስል መሰውረ እት ነቅፈ ሰነት ገዳመት ለሳርሐ ወሰነት ሐዳስ ለልትከበቶ እት መናሰበት ሐድረው። ምዕል ጅምዐት 20-12-2024፣ ፍንጌ ሸቃላ ሕክሙት ጅግረ መዕሉማት ፃም እት ቃዕት መዳነት ነቅፈ ገብእ እት ሀሌ። ፈጅረተ ሰንበት ንኢሸ 21-12-2024 ደረሰ ወመደርሲን መድረሰት ቴክኒክ ዊን ለሻረከው እቱ ጅግረ መዕሉማት ገብእ። ለትረከበ በክት እንዴ ትነፈሶ ሀዩ ምስል ምን ክሉ አርካን ኤራትርፍ እትለ መድረሰት ለማጽአም ደረሰ መደቲት ሐጫር አመሕበር።

ለበቅዐ። ክሎም ለደረሰ እግል መምህራቶም ክም ዋልደኖም ቱ ለወሰፎም። ለመድረሰት ምን መዳነት ፍግር ብህለት። ለሪመ ደረሰ እብ ሐረከት መዳነት ልዐም እንዴ ኢልትሰለብ ሆኖም



ደረሳይ ጅግዕ አድም

ሀም ዕልሞም ሌጠ እግል ልግበእ ሀዩ ሴድያይቱ። እትለ ጽላል ዕጩይ ዐባዩ ለእብሩደ ወቀነ ሰራይር ለእሞሙ መድረሰቶም፣ ኖሰኖሶም ምን ኢገብእ ብዕድ መጋንሓይ ምን ሸቅሎም ኢልትካርሞም።



ደረሳይት ማክደ ዮናስ

ሐም መሐዋቶም ወዋልዳኖም ለለአሰፍልል አለዐም። እት ሐረቶም ክም ሐቱ ዓይለት ነብር።

መምር ሳልሕ “እትለ አካን ደረሳይ እት መድረሰት ሐውኔ አካይ አደብ አርአ ወብዕድ

መሻክል ቡ እንዴ ትቤ ዋልዳን ለትላኬ እበ ገበይ ኢሀሌት። ክልነ ሐቱ ዓይለት ሕኔ እግል ልሰኔ ለቡ ምስል ነአሰንዩ። ለቀዳምደም እብለ ሰፊት እለ እንዴ ትከረጀው እት ክለ ወጠን ዲብ ዐማር ወብነ ፍሩራም ሀለው። እሎም መብዘሕት እንሰኤ እቶም። ሰነት 2025 ሀዩ ለእት ሸቅል ፍሩራም ሀለው ሰነት ሐዳስ እብ ሰዓደተ እግል ትምጽአም። እብ ምርወት ወመዕጸም ሸዐዐም ለነፈፊ ፍግር እት ለአመጽአ ሀዩ በቃዕቶም እግል ለአርኤ ዲበ እትምኔ። እሎም ምስልነ ለሀለው ሀዩ ዓመት ሰለሕ ወነጀሕ እግል ትግበእ እሎም ክክምለ ሐምዎ ቀዳምደም ወጠን እት ተሐዝዩ ምኖም ወቀይ እግል ለአድምዑ ሰእዮቹ እሸርሕ እሎም። እግል ክሉ ሸዐብ ኤራትርፍ ወቅዋት ድፋዑ አሰናይን” ሐቅሰ ቤለ ሀዩ። እብ ምህነት ወአምር መንበርሁ እግል ለአሰኔ ክም ከድሞ አካደ። ሕናመ 2025 ሰኔት ኬር እግል ትግበእ እሉ ንተምኔ ወነሐርክ ኢልትደበእ እንብሎ። ምስል ሸቅሉ ለትጸበዋ ዋድያመ ምስሉ ለሀሌነ መቃበለት ሀዩ ሀሌት። ምዕል ሓሪት እት ዓሙድ ብዕድ እግል ንቀድማ ቱ።

ምን ብዝሓም ደረሰ ለአትሃጌናሆም ሐቱ ሰበሕ አሕመድ ተ። ዲብ ቅሰም ማሸናት(mashine shop) ትደርሰ ሀሌት። ምን አቅሊም ግብለት ምዳርየት ሰንዐፊ ጉሎእ ለትባህል ዐድ እት መድረሰት ቴክኒክ ዊን ነቅፈ አወላይት ሰነት እንብትት ሀሌት። ለደረሰ እት ዐድታቶም 10ይ ክም አትመመው አካዳምየት 11 ወ12 እት ደርሶ ቴክኒክ ሀዩ ምስሉ ክልኤ ሰነት ልትዐለሙ። ሰበሕ እት ሰልፈ ሰፈላል ዐድ ወሰናት ምንመ ዐለት እት። ዲብ ዕልም ክም ትወሐሰት እግል ሰፈላል ወሀማት ወቀት ክም አለበ ትሸፊሕ። እት አወላይት

ሰነት ለበዜሕ መትአማር ምስለ መከናት እብ ምህር ቀለምቱ። ላኪን እብ ዐመል ለሸቁ እቱ ሕሰሰመ ብእቶም። ለምህነተ ምስል ጸራብ ሐዳይን ለትጸበዋ ምን ገብአት ሰኔ ፈቱተ ወእግል ትሸቁ እበ ንዮት ዐባይ ዋድየት ሀሌት። እግል ዐድ ደረሰ ወመደርሲን ዊን ሰነት ሰዓደት ትምኔት እሎም። እግል ዐድ እብነ ኢትሀመሞ። ምህርኩ፣ ነብራኅ ዓፍየትነ ሰኔ ሀሌት እንሻለህ እብ ዐውቱ ነዐይረኩም ወእንቱምመ እብ ሰላም ትጸንሑት ቴሎም።



መምህር ሳሌሕ ሙሰ

ላኪን ብዙሕ ኔፍዓይት ምህነት ክምተ ኣመረት። እግል ክለን ምን ዐድክ እንዴ ሪምክ ክልኤ ሰነት ደረሰ ክምለ ኢልትሐለፍ ሰበር ለሐሰግህ ለዐለየ ቀለል ወሞዑም ክምቱ እግል ልኣምረ ሀዩ ተሐዘ። “ዋልዳንዬ ምህነት አንሰ ኢትብል ወተብዐት። እት ቅሩብ ትረከብ ወረደም እግል ቲጊሰ ሌጠ ብክ ምን ትብል እምነቶም አብሸር እንዴ ቤለው ምን አትናየትወኒ ብዙሕ ሐምዴ ተአሰትሀሎም። ፈክለ እለ ወደው እዩ ሰኔት እበየ እግል ዐሬ እበ። ሐቱ ለእበ እረይሎም ለምህነትቹ እት ዐመል ዶል አርእዮቱ ወእለ እግል ኢዴ ናውየት አነ” ትቤ። እንዴ አትሌት። እግል ክሎም እት ዐቦት ወጠን አዳም እት ለአፈሩ ሻርኮ ለሀለው መዐልመተ፣ ወእግል ክሉ ሸዐብ ኤራትርፍ “አሰናይን!” ትቤ።



ደረሳይት ሪም ቁዳሰ

ጸሓይ ልግበእ ወእብ ብዕድ ብርሃን እግል ኢደየ ሐድ ሐልዬ እግል እትጸገምቱ። ሰነት ሐዳስ እብ ኬረ ትምጽአነ ወብርሃን ሊደየ እነ” እት ትብል ናይ አሰናይን ልእክት እግል ንሓልፍ እለ ለረክበቱ በክት



ደረሳይት ሰባሕ አሕመድ

ሐመደት። ማክደ ዮናስ ምን ከረን ለመጽአት ዲብ ትገብእ ህታመ ዲብ ቅርፊት ማሸናት ትሸቁ ለሀሌት ተ። ህተ ተሐዝዩ ለዐለት ከሀረበት ተ። ዲብ እለ መጃል ክም ትወዘዐት ሚ ክም ትትዐለም ኣምረት የዐለት። ክም ረኤተ

ሰርሐ ሰነድ 2024 ወመገኘታት ሰነድ 2025

ሸባብ

ነጃት ዑሰጣን



ዲብ እለ የም ሐቲ ብህላም ዲብ ለህሌነ ሰነት 2025 ምሰል መዐልመት ከዲጃ አሕመድ ዑሰጣን ለወዲናህ ሙቃብሉት ባብዓም ህሌነ። መዐልመት ከዲጃ፡ እብ ክሱሰ ለሳርሐናህ ሰነት ዲብ ሐያተ ሚ ለመሰል ዐውቴታት አው ነቃሰ ክም ሳደፈየ ወዲብ እለ ለእለ ጸብጣም ህሌነ ሰነት ሐዳሰ ሚ ለመሰል አህዳፍ ናይ መሰር ሐያተ አመት ክም ህሌት ሸርሐት እግልነ። ከጽብጥለ ሙቃብሉት እግል ትቅርኡ ነፀዘመኩም።

ሰኣል፡ አወል ሰነት በኪተት ወሰዲደት ሊደየ እግልነ ዲብ እንብል፡ ዲብ አየ ትወለድኪ ወዐቤኪ ተዕሊም ዲብ አየ አትመምኪ!

በሊሴ ሰነት 2025 ሰነት በኪተት ወሰዲደት ትግባእ እግልነ እብል። ከእነ ዲብ ሰነት 1999 ምን አቡዬ አሕመድ ዑሰጣን ወእምዬ ፍጥረት ዑሰጣን፡ ዲብ መዲነት ግንዳዕ ትወለድኩ ወዲብ ዐቤኩ። ተዕሊም ህዬ፡ አወላይት ደረጃት ዲብ መድረሰት ሕድሪ ሰማእታት፡ ምግባይት ደረጃት ዲብ መድረሰት ሸሂድ ሰዓድ ሸምሰ፡ ወካልኣይት ደረጃት ህዬ፡ ዲብ መድረሰት ካልኣይት ደረጃት ግንዳዕ አትመምኩ። ዲብ ሰነት 2017 ህዬ ክ'መ ክል ሻብ ለወድዩ ወዲመ እትሐለሙ ለዐልኮ ሕልም ዛህር እንዴ ገኡ፡ ምሰል ውላድ 9 ቀምየት ወ6 አቅሊም ዲብ ጢሾሆም እንዴ ተዐገልኮ ዋጅብ ክድመት ወጠን እግል እውዴ ወናይ ካልእ ደረጃት ድሪሰ'ቼ እግል አትምም ሳወ ትከፊቴ። ምን ሳወ ዲብ ሰነት 2018 ዲብ ውዛረት ተዕሊም ዲብ ሸቅል ደረሰ ወአድረሶት በጽሑኔ። እነ ምን አወልዬ ዲብ ንዮቼ ለዐለት ዲብ ውዛረት ዓፍየት እግል እሸቄ ቱ። መረ ንዮት ዐለት እግልዬ፡ ዲብ ውዛረት ተዕሊም እግል እሸቄ ወለ ዲብ ደሚርዬ የዐሌ፡ እባዬ ለዲብ ትወለድኩ ወዐቤኮ መዲነት ግንዳዕ እተ በጽሑኔ። ለሸቅል ሳኪን ክም አቴኮ ዲብ ወምሰለ መዐልሚን ክም ተአመርኮ ዝያድ እግል እፍተዩ ቀደርኮ ወአሰክ የም ዲብ ውዛረት ተዕሊም እሸቄ ህሌኩ።

ሰኣል፡ ዲብ መራሕል ናይ ተዕሊም ወሸቅል ለሳዲፊኪ መታክል ሰዳይት ወአትናያት ምን ዋልዲንኪ ወምጅተመዕ ሚ ሀላ!

በሊሴ፡ አወል ሕነ እብ ቤትነ ተዕሊም ለእንፈቴ ዓይሉት ሕነ። አቡዬ ወእምዬ እግል ንትዐለም

ወእለ መራሕል እግል ንብጸሕ ሰዳይት ሌጠ እንዴ ኢትጉብእ ሕነ እግል ንንጅሕ ላሊ ወአምዕል ተርሆ ምሰልነ ዐለው። አሰክ ዲብ ለእቱ እንሸቄ አሸቃል እንዴ ነጅሐነ ዲብ ክነ ሸቅል እግል ትእተያቱ እንዴ ቤለው ለአትሓሩነ ዐለው። አዜ ክመ እለ እቤ ዲብ ውዛረት ዓፍየት እግል እሸቄ አቡዬ ንዮቱ ዐባይ ዐለት ሐር ላኪን ደሐን ክሉ ሐቲቱ ቤሌኒ ወአናመ ትከበትሁ። አዜ ዋልዲነ ክትር እግል ንትዐለም ፊቱ ዲመ ዲብ መጦርና ቶም። ለለአትፈክር ሕነ ዲብ ቤት ክልነ አዋልድ ሕነ፡ ኦርት ሕጻን ሌጠ ህለ እግልነ። እንዴ ደረሰነ ዲብ መርሐሰት ሰነት ናይ አሸቃል ህሌነ። ከአዜ መታክል እብ ሰዳይት ናይ ዋልዲነቱ ለለሐልፍ። ምን ምጅተመዕ ህዬ እምበል አብሸርክን ወሰኒ ህሌክን። እግልነ ሐር ለበልሰ ረአይ ናይ ምጅተመዕ ማጽእነ ኢኮን። ላኪን ዲብ እለ ተሐዜ መርሐት እግል ትብጸሕ ናይ ርሕክ መብዓእ እግል ለህሌ እክ ብእቱ። እለ አካን እግል እብጸሐቱ እንዴ ትቤ እምበል መትሐላል እግል ትሸቄ ህሌት እግልነ።

ሰኣል፡ ዲብ ሰነት 2024 ለሳዲፊኪ መታክል አው ዐውቴታት ሚህሌ፡ ወእንዴ



አመምክዩ ለኢትዐወትኪ እቡ አሸቃል ሐያትኪ እግል ተሓኪ እግልክ!

በሊሴ፡ አወል ዲብ እለ ለእለ ሳርሐነ ሰነት 2024 አልሐምድልህ። እለ ቃልየት ወጠ'ነ ዲብ ሐን ምልክነ ህሌት። ኩሉ ለሰደፊነ ተዋልል ኢሰላም ወአመሰኩበት እንዴ ጋብህነ እብ ሰላም ዲብ ሰነት 2025 እብ ብጽሐትነ፡ ለሐምዴ እግል ረቢ ወእግለ እብ ዳይመት ውሕደት

ለነብር ሸዑብ ኤረትርዮ ወሕኩመቱ ሐምዴ ተአሰትህሉ። እለ ህዬ የም ለህለው ሸባብ ምሰለ ቀደም እለ ለጸንሐም ለኢብሌ ተእሪክ። መትሰባል፡ ሰብር፡ ካሃለት ወሰባት ለበ ሚርሐት ምን ትረከበት ሌጣ ቱ። እነ ህዬ፡ ለሳደፊኒ መታክል ኢህሌ፡ ዝያድ ዲብ ሸቅልዬ ተዐወትኮ እግል ኢበል እቅድር። እግልሚ ምን ትብሊ፡ እነ ክመ እለ እቤለኪ ዲብ መዲነት ግንዳዕ እሸቄ ዐልኮ ወዲብ ሰነት 2024 ዲብ አወለ ተውዘዕ ሐዲሰ መጽአ ወመትከልኤት በጽሑኔ። ለመትቀደር ምን ግንዳዕ አቤኩሁ፡ ምን አወልዬ ዲብ ዐጄ ሰበት ትወዘዐኮ ለሕንቃቄ ናይ ቤት እግል እትፈንጅ ምና ኢሐዜኮነ። ከመትቀደር ትረበሸኮ ምነ። ዲብ አክር ላኪን ዲብ እሉ እሸቄ አሸቃል ናይ መሕበር ልግባእ ወጀብህት ሸዑባየት ዝያድ ተዐወትኮ ውበዕድ አሸቃል እግል እርኩብመ ቀደርኮ ወዲብ ደሪሰ ወአድረሶት እግል ናሱ ተቅዩር አምጸአኩ። ዲብ ለጸንሐውኒ መደረሰን ክሎም ተጃርቦም ምንዬ ወለዐል ሰበት ጉብእ ከሱብኮ ምናም። እግል መሰል ዲብ ህግዩ ናይ ትግረይት አምሩ ለይዐልኮ ከሊማት ወአግቡይ አድረሶት እግል አምር ቀደርኩ። እነ ዲብ ግንዳዕ ትወለድኩ ወዐቤኮ ወለ ሳመ ትግረይት ሰኒ ማልኮተ እነ እግል ኢበል ይእቅድርኒ። እነ ዲብ እለ ለእለ ሳርሐነ ሰነት እምበል መክሰብ ከሳር አሰብዬ። ዲብ እሉ ሐዜ ዕውትት አነ።

አንፋር ህለው ዲብ ክል ሰነት ከገለድ ሐዲሰ ለአቱ። እግል መሰል፡ ዲብ እለ ሰነት ሐዳሰ ድሪሰት እግል እዋሰልቱ። ደረሳይመ ሓምቅ ዶል ጸንሕ እግል እፈድብ ቱ። ሸቅል ለኢፈቴ ዶል ጉብእ ህኩት እግል እዳገንቱ። ከፈታይ ሸቅል እንዴ ገአኮ ሐያቼ እግል እምረሕ ቱ። ምሰል ጄራን በአሰ ዶል ጸንሕ እሎም፡ ምሰል ጄራናም እብ ሰነት እግል ልንበር፡ ወለፍ ትምባክ፡ ሰጃረት፡ ወከምረት ለሆመ፡ ዲብ ሰነት ሐዳሰ እግል ልሕዶጉ ለትፈናተ ገለድ ለአቱ። ገሌሆም ዲብ መዓሉ ለአውዑሉ ክልትዐውቱ፡ ወገለሆም ክመ እሉ እንቤ ገለደም ጠልሞ ወክመ በዲርም ለልሙድ አሸቃሎም ለአተላሉ። አዜ ገለድ ሐቆ አቴናሁ እግል ነሐዋጡ ወንሰበት ዲብ ህሌት እግልነ።

አዜ እነ ናሼ እብ ሰራሐት ለእሉ አቴ ገለድ አሰክ ኢወዴክወ ሰኩብ በዴ ምንዬ ወእግል አርት ደረሳይመ ሐጃት ፍላን እግል እውዴ እነቱ ዶል እብሉ፡ ላዘም እግል አትምመ አው እግል ኢደየ ህሌት እግልዬ። ገለድ በህለት ሰእዮብ ሂበት ቱ። ወሰእየት እግል ነፍሰክ ሰነት ኢኮን ወእግል አዳም ክመ ዋልዲነ ልቡሉ፡ ሰእየት ምን እሳት ተሐፍን። እግል መሰል ከምረት እኪት ክምተ ነአምር ወእግል ነፍሰነ ከምረት እግል ንሕደግ አሰኤናሁ፡ ወአትአመናህ ላዘም ቱ ዲብ ገለድነ እንዴ ሐጠጥነ ለእሉ አቴነ ገለድ ነአትምሙ እግል ኒዴ ህሌት እግልነ።

ሰኣል፡ ናይ ሰነት 2025 ስታትኪ ሚቱ ክል ሐቲ ከእብ



ደረጃተ ንዘምተ እንቲ ወለ ክም ረከብኪ ቱ ለትሸቅዩ!

በሊሴ፡ ክል ሐቲ ከእብ ደረጃተ ርትብተ አነ። አወል ዲብ ሰነት 2023 ዲብ ዐዲ ቀይሕ ሰነት ሐቲ ደረሰኩ። አዜ አወል እግል ድሪሰቼ አትምም ወሐቆህመ ድሪሰት እግል እወሰክ መረ ንዮት ሰበት ህሌት እግልዬ። ለዐበ በርናምጄ ቱ። ወእንሻለህ ክመ ሐሰቡ ህሌኮ ጉብእ እግልዬ። ምሰል እለ እነ ሸቅል እዳረት ሰበት እፈቴ ለቀደም አዜ እብ መክተብ መሕበር ወጠን ሸባብ ወደረሰ ኤረትርዮ ለደረሰክወ ድሪሰት ናይ እዳረት እግል አተላልያቱ። እግልሚ፡ እነ ክለ ሐሊቼ ዲብ ነዘምት ቱ። ወእንሻለ ለዐቤት ድሪሰት ናይ እዳረት እደርሱ። እለ ክሉመ እብ ፈድል መሕበር ወጠን ሸባብ ወደረሰ ኤረትርዮ ፈርዕ አቅሊም ቅብለት በሐር ቀያሕ ቱ ለበጽሐክወ። ከአዜመ ሰእየቼ ዲብ ረቢ ወመሕበር ወጠን ሸባብ ወደረሰ ኤረትርዮ ተ ለህሌት።

ሰኣል፡ እት ደንገበ እብ መናሰበት ሰነት ሐዳሰ እግል ምጅተመዕ ወእብ ፍንቲይ እግል ሸባብ ሚ ልእኩት አው ፊነ ተሓልፊ!

በሊሴ፡ አወል እብ መናሰበት እለ የም ሐቲ ብህላም ዲብ ለህሌነ ሰነት 2025 እግል ክሉ ሸዑብ ኤረትርዮ፡ ፍራሰ ቅዋት ድፋዕ፡ ዲብ ካርጅ ለህለው ሸባብ፡ ሰነት ሰላም ወረህየት፡ ሰነት ብናእ ወተዕሚር፡ ሰነት ዐባት ወተዋዊር ትግባእ እግልነ እብሎም። ምኑ እንዴ አትሌኮ እግል ሸባብ ዲብ ቀበት ዐድ ለህለው ወካርጅ እብ ፍቲ ወጠናም፡ እብ ሰብር ወከሃለት፡ ወእብ ድሪሰት ለትወቀለት መርሐት እንዴ በጽሐኑ፡ ለትህየብተነ አማነት እብ ተዕሊም ወተጠውር ዲብ አካነ ክም ነአበጽሐ እግል ኒዴ ህሌት እግልነ። ወሰነት በኪተት ሰዲደት ሊደየ እግልነ እብል፡ ወሸክረን!

ምህር ወተር-ብዩት

ዘሀረ ዐለ

ሓይላም ቁርኣት፡ ምን እለ ናይ የም 01 ጃንዋሪ 2025 ጥብብት እንዲ አንበት፡ ዓሙድ ምህር ወተር-ብዩት ምስል ዓሙድ ሕበርብር እት ልትባደል ምን ክልክልኤ ሳምን እግል ልፍገር ክም ቱ ነኣትአምር።

ሰነት ሓዳስ 2025 ወተመኒተ



- እኪት ምስለ ሓልፊት ትሕለፍ ወሰኔት ምስለ ትመጸእ ልምዳን
- ሄራርነ ራቴዕ ወመባጽሕነ ርቶዕ እግል ልግቡ ለሓልፊት እግል ንብለስ ሰበት ይእንቀድር ምስተቅበልን እግል ነኣሰኔ ንክደም። ሀደፍነ ለሓልፊት እንዲ ሓደግን እብ ጀዲደት እግል ነኣንብት ልግበእ።
- እግል ለሓሰ ኣብክትወመትቀዳም እት ንተምኔ ሄራርነ ነኣንብት። መልሀደምን እት ቀደምም ለሓሰ መስተቅበል ክም ሀለ እግሎም ሕልምም ወሀደፍም እግል ለሓቀቀ ዲቡ ነኣትፋቅደም።
- ሓላምን እብ ፍዕል ሓቆ ክደምን ዲቡ እግል ልትሓቀቅ ቀድር
- ምስተቅበል እግል እት ሀደፍ እንዲ ሰብተው ለክድግ ክሰሰ።

ዲብ ክለ እዲነ እት ኣክር ሰነት ናይ ክል ሰነት፡ ለጉብኣ ነፈር ለሰነት ለትመጸእ ህሌት ምን ቀደም ለዐለት ለሓሰት እግል ትግበእ እግሎ ልተምኔ። ክምስልሁ፡ ቀደም እለ ለኣወደዩ እትሰ ሰነት ጀዳድ እግል ሊደዩ ለልከኔ በርናምጃት ለኣፈግር። እብ ዓመት እለ ዕልብ ትቀደር ለህሌት ሰነት፡ ለሓሰት እግል

ትግበእ እግሎ ተመኒቱ ቀድም ዲብ። ክእንዲ ገሌ ምን ልትቀደም ተመኒት ሰነት ሓዳስ ንርኢ።

- ሰነት 2025 እንባለህ ምን ክሉ ለሓልፊ ሰናታት ለሓሰት ሰነት
- ሰነት ሕልም ሕቁቅ ወኣብክት ሰነ
- ሰነት መድሐረት፡ ፈርሐት ታመት ወለውቀት ዳይመት

ርክን ምህዞ

ምን ኣክካጥናመ ሽንደርስ

ቶማስ ኤዲሰን እለ የም እብ መብረሀተ ንትነፈዕ ለህሌን መብርሀት እግል ልምሀዞ፡ ሓድ ክልኤ ኣልፍ ለትፈናተ ኣግቡይ ጀርባ። ምናተ ምን እለን ክለን ክልኤ ኣልፍ ጀርባታት ወለ ሓቲ እግል ብሊ ናይለ መብረሀት ለትወልዕ ኢትረከበት ምነን። እለ ዶል እለ ዲብ ብሓሰት እግል ኤዲሰን ሴድዮዩ ለዐለ ነፈር፡ ክሉ ወቀይነ ብላሽ ፍገራት ኣለቡ ገብእ። እለ ሕነ ሓድ ክልኤ ኣልፍ ጀርባታት ወዲነ ወክለን እምበል ፋኢደት በሕ ፈግረና። ምን እለ ጀርባታት እለ ወለ ሓቲ ኣደረሰን ቤለዩ ሰኣየት ባትክ ዲብ እንቲ።

ኤዲሰን ላተ ሰነ ዳምን ዲብ እንቲ፡ “ለእ፡ ገበይ ሰነ ረደም ሄረርነ ወብዞሕ ደረሰኩ። ዲብ ክልኤ ኣልፍ ለጉብኣ ኣግቡይ ጀርባ፡ ክልኤ ኣልፍ መብረሀት እግል ንወልዕ እም ለይእንቀድር መሻቀዶታት ክም ሀለው ደረሰኩ እት ልብል በልሰ እግሎ።



ኣቤ፡ ቶማስ ኤዲሰን እለ ነኣብሪህ እብ ለህሌን ኣምፑል እግል ለኣብሪህ፡ እምበል ሕላሌ ሓድ ክልኤ ኣልፍ ዶል መሻቀዶታት መሀዘ ወትነፍዑ። ምን ክሉ ለወደዩ ጀርባታት ወለ ሓቲ ምንመ ኢተወወተት ሰኣየት እንዲ በትክ ጀርባታቱ ኣተላለ ወኣት ኣክር ተወወተ።

ህቲ፡ ምን እለ ወለዐል ይእጀርብ ብህል ምን ለዐሌ፡ የም እለ ዐለም ምን ጽልመት ላሊ ወትነጃት ገቢእ፡ ሕነ ህዩ ክል ምነን እለ ክቲብ ቀሪኣ ለህሌ፡ ሓቲ ሓጃት እግል ኒዲ እንዲ ትገበሰን ሓቆ ኢተወወት፡ ክም ዶል ኣግቡይ እንዲ ቃዩርነ እንጃርብኩ ኣክል ኣዩ ምነን ሕነ ህዩ ለሓቲ ዶል እንዲ ጀርብክ ሓቆ ኢተወወት “መዐ’ሰላመ!” እንዲ እንቤ እዲነ ለነህይብኩ ወኣክል ኣዩ ምነን ሕነ ህዩ፡ ለሓቆ ጀርባ ብክሕት ዐውቲ ክም ህሌት እንዲ ኣመርነ ኣሰክ ኣክር እግል ንጀርብ ለንትብገሰ፤ እብለ ትግበእ ወኣብ ለህ እብ ክለ ንዮቲ ለትብገሰ ክም ልትወወት ኣኪድ ቲ።

ምን እለ ለእንደርስ ህሌት ምን ገቢእ ምን ኣክላጥናመ እግል ንድረሰ ክም እንቀድ ቲ።

ዓፍዮት ወተር-ብዩት ኣጃኒት

ታመት ዐቦት እት ናይ ሰልፍ ሰናታት ለከሰስ እት ሕድ ለትመሳነ ክምኩም ለኣይክ “ዕድል” ለትመሳነ ተጠውር ኣጃኒት ኤረትርዮ እተ ናይ ሰልፍ ሰናታት ለከሰስ በርናምጃ



እለ እብ ሰሜት “ዕድል” ለልትአመር እግል ተጠውር ኣጃኒት እተ ናይ ሰልፍ ሰናታት ለከድም በርናምጃ ኤረትርዮ ናይለ ምን 0 - 6 ሰነት ለዕምሮም ኣጃኒት ዐቦት ዑፊት ወታምም ተጠውር እግል ለኣደቅብ ለትኣንበተ በርናምጃ ቲ። ለእት ቴለል ሰዱድ ለልትረከቦ ኣጃኒት ህዩ እብ ፍንቲይ መትሐሳር ወዲ እቶም። መባጸሕ በርናምጃ “ዕድል” ናይ እማት ወኣጃኒት ዐቂብ ዓፍዮት መነት ወምህር ኣጃኒት እተ ናይ ሰልፍ ሰናታት ለህለ ፈሀምክም ልትወቀል እንዲ ወዲ እግሎ ለትጠውር ክድመት ወሰደይት ቀደምት ቲ። እለ ህዩ ናይ መትዐላም ንዮት እንዲ ኣትሐሰሴክ ዶር ዐባዩ እት መራዐየት ወተዐለም ኣጃኒት እንዲ ወቀልክ ወሓቅ ኣጃኒት ክም ልትወቀብ እንዲ ወዲክ ለልትበጸሕ መባጸሕ ቲ።

እት ተርብዩት ኣጃኒት ለትፈረረው ኣንፋር ክል ምዕል እለ ለተሌ ናይ ተርብዩት ጋራት ሳድፎም። እግል መሰል፡ ሓን ነብረ ዐቂብ ዓፍዮት ናይ መሕበራይ ወናይ ሸዑር ጋራት። እተ ክምስልሁ መ ለትፈናተ ናይ ዐቅል ወመትዐላም እግል ንሰሜ እንቀድር። እለ ጋራት እለ እት ሓቲ ዶል ምስል ኣው ሓቲ ክኣሰር ሓቲ እግል ልሳድፍ ቀድር። በርናምጃ “ዕድል” እትሊ ረዓየት ወተር-ብዩት ኣጃኒት ለከሰስ ኣሀምየት ወቅል ለቡ ጋራት ለወራታት ለልትመቃረሕ እቡ ኣብሳር ለህይብ።

መራዐየት ሓዋኒት ናይ እማት ወኣጃኒት እት ሞት ለተኣበጸሕ ሸንርብ ቲ። “ኣለት ኣጃኒት ዐለ” ለልብል እት ሰነት 2002 ለፈግረ ተቅሪር ናይ መዝመት መጅልስ ቅራን ላተ ሰንዱቅ ረዓየት ኣግሩዝ (ዩኒሴፍ) እብ ሞት ምንተሐት 5 ሰነት ለዕምሮም ኣጃኒት እግል ኤረትርዮ ምን 187 ድወል እት ደረጃት 41 ርቱብ ህለ። ደረጃት 1 ለኣኬት ወደረጃት 187 ህዩ ለሓሰት ተ በህለት ቲ። እለ ተቅሪር እለ 44% ምን ምን 5 ሰነት ወተሐት ለዕምሮም ኣጃኒት ኤረትርዮ ሚዛኖም ሸበህ ኣው ሰነ ድሁር ክም ህለ፡ 1% ምን እእማት ኤረትርዮ ምስል ዕምሰን

ሓዶት ሚ ቲ፤

- ሓዶት ሰበር ተ ተዐደዩ
- ሓዶት ጃምዐት ተ ድረሰ እተ
- ሓዶት በክት ተ ትነፈዕ እብ
- ሓዶት ገለድ ተ ኣትምመ
- ሓዶት ትልህዮተ ትለወቅ እብ
- ሓዶት ሕላይ ተ ሰሰዕ እተ
- ሓዶት ፍቲ ተ ትረዩሕ እተ
- ሓዶት ንዮት ተ ትመተዕ እተ
- ሓዶት ገበይ ተ ሄርር እብ
- ሓዶት ገህይ ተ ከህለ
- ሓዶት ሰርቤብ ተ ኣትዋይነ
- ሓዶት ንዳል ተ ትክብተ።

ምህም በህል

- ምህር ምልኣት ጀርደል እንዲ ኢገቢእ፡ ከኣፎ እንዲ ወዲክ እሳት ክም ተኣትቃሬ ኣመርት ቲ። ዊልደም ባትለር
- ምህር እት ፍንጌ ለትአምሩ ወለኢትአምሩ ለህል ፈርግ ኣመርት ቲ። ኣፍቶል ፍራንስ
- ለጉብኣ ነፈር እኩይ እግል ሊዲ ቀድር፡ ለጉብኣ ነፈር ላኪን ሰነ እግል ሊዲ ኣቀድር። ፍላሰፊ ፕላቶ ሳምሐት ለናይ ኣክር ሸክል ናይ ፈታ ቲ። ረይሆልድ ነቡር

ለልኣትዐጅብ ሓቃይቅ

- ኣንሰ ምን ሰብ ተብኣን ወለዐል መጸጸት ለትትሰምዐን ምንማተን፡ መጸጸት ለልክህለ ህዩ ህተን ተን።
- ኣጥቡየት መናፍዕት ብዞሕ ቡ፡ ገሌ ምን፡ ግርዝ ዲብ እሙ ጀርምስ ክም ለኣልፍ ወዲ። ለእም ህዩ እለ ጀርምስ እብ ገበይ ጥብ ክም መጽኣዮ፡ ድድ ኣንፋሰ (ኣንቲዮዲስ) ተኣዳሌ። ሓሬ እለ ኣንቲዮዲስ እግል ጅነ እለ ምን ሕማም ለዳፊዕ እግሎ ገቢእ። ሰበት እለ ጅነ እግል እሙ ጀርምስ እንዲ ህዩ፡ እግሎ ህዩ ምን ሕማም ለዳፊዕ ማደት ገቢእ እግሎ በህለት ቲ።
- ጨቅጥ ሓድ ብእትክ ምን ገብእ፡ ሓጃት ብዞሕ እግል ትፍቀድ ሰዴክ፡ ጨቅጥ ብዞሕ ላኪን ዛክረትክ ጠምሰ።
- ዕንታት ኣደሚ ምን ወክድ ተውሊደቲ ኣርት ቅዶስ ቲ። ላኪን ኣንፍ ወእዘን ዐቦት ኢለኣትካርም።
- እት ክለ እዲክ፡ ክለማት ለኣለቡ ነሺድ ወጠን፡ ናይ ሰፕይን ነሺድ ወጠን ሌግ ቲ።
- ሜጮተት ለክሸተክ ዲብ ኣክነት ረሰተክ ምን ገብእ፡ ቀረፍ በናን ዶል ትብህሽ ዲብ፡ ለረሰት እብ ሸበህ እንዲ ሀድኣት ትብጥር ምንክ።
- እት እዲነ እምበል መዐር፡ ክሎም እግል ንንበር ለልኣትሓዙን ቅዝኣት ለብእተ ነብረ ኣለቡ። መዐር መዓድን፡ ሺታሚን፡ ኢገዳይምሴ ማይ ወብዕዳም ቅዝኣት ከምክም።



ሰወር፣ አቤል በረኸት

ሲንት ሐዳሲ እት ነቅፈ



ዲብ ዮም 19 ዲሰምበር 2024 ቱ ለወለ። 16 ለአንፋረ መጅሙዐት ውዛረት እዕላም እብ 3 መኪነት ምን ምግባይት ኣካን ውዛረት እዕላም ፎርቶ ኣስመረ ኣስክ ቅብለት ተበገሰ። ድግር ወፍክር ክል ነፈር ናይለ መጅሙዐት ህዩ እብ ሰበት ነቅፈ። ሳሕል ወሰዋትር ነቅፈ እግል ልሕሰብ ላብድ ቱ። ክሉ ነቅፈ ወሰሙደ ዲብ ለሐሰብ ወሰርመ ነቅፈ ቀደም ለሀ ሰበት ኢለአምረ ሰፈር ኣስክ ነቅፈ ክሉ ለሐሰት ሐውልዮት ዐለ።

ምን ኣስመረ ኣስክ ነቅፈ ለህሌት መሳፈት ዝያድ 200 ኪሎመተር ምንግተ። ለምን ከረን ኣስክ ድዋራት ግዝግዝ ወቅላመት ለህሌት ገበይ ረድምዮት እብ ሸሪክት ብነ ዐዲ ህሉ ትፈይሕ ወእብ ሕሩይ ጨበል ትደግደግ ሰበት ህሌት እግል ትሄርር እተ ለሐሰት እት እንተ

ምን ኣፍዐበት ሄራርነ ኣስክ ቅብለት ኣተላሌ። እብ እብ ታኪ ኣድብር ለትክለለት ታሪካይ ሐርመት ዐቐርም እንዲ ሸብሰን እግል ዲብ ማርሰ 1988 ለደውሸሸ ቅያሰ ለኣለቡ መካይን ዐስከሪ ወደባባት ዲብ ገነ ሕለል ታሪክ እግል ለኣኬ ልሰዕ ዲብ ጠራፈ ሕለል ወሕግሰ ደብር ፍንጡር ልትረኤ። እሊ ታሪክ እግል ኣጅያልቱ። ላመ ምስልነ ሳፍሮ ለዐለው ነኣይሸ ዌርሰት እብ መካሪተ



ምድር ዲብ ልትዐጀቦ ወእግል ድማን ወድገለ ለልትረኤ ጸባይብ እስትዕማር እት ለዐፎ ለሰፈር ዝያደት ነፍሰ ለትፈትዩ ዐለ። ምን ዐቐርም እንዲ ሐለፍነ ክብክብ። ድፈዕ ዋልያን። ሕለል



ጸንሐተኛ። ዲብ ልትሸወር ህዩ እንዲ ኢልትአመረን መዲነት ኣፍዐበት ጠበሽ እምቤ። ሐቆ ዕርፍ ሐጫር ዲብ ኣፍዐበት ኣዜመ ምያየትን ነቅፈ ሰበት ዐለ።

ሐዳይ። ሐራሰ ሐርማዝ። ቢያን ዲብ እንብል ወእግል ዲብ ክል ኣካን ፍንጡር ለዐለ ኣሰለሐት ወዐረባት እስትዕማር ዲብ ነዐፊ ምድር ክምሰል ዐወድወደ እብ ሰጋደት

ሰጋድ ኣተንክብ። እግል ድማናይት ወድገለባይት ጀብህት ነቅፈ ለዐለ ድፍዓት ለለሀሐብረ ክልኤ ታቤለት ድማን ወድገለብ እንዲ ኣትሌነ “መርሐበ ዲብ ዐድ ስሙድ” ክቱብ እተ ለህለ መንገኣት ነቅፈ በጽሐነ። ምኑመ መድረሰት ጠብረ ወእብ ዘበናይ ኣግቡይ ለትቤኔት መድረሰት ፈንዮት ዊነ እንዲ ሐለፍነ መዲነት ነቅፈ ኣቱነ።

ኣግደ ሀደፍነ ኣስክ ነቅፈ እብ ኣቅሳም ሬድዮ ወትልፍዝዮን ለልዳሌ እብ መናሰበት ሰርሐ ገዲመት ሰነት ወመትክባት ሰነት ሐዳሲ ለክሰ መዕሉማት ማም ምስል ገበል ነቅፈ ወደረሰ ወመደርሲን መድረሰት ፈንዮት ዊነ እግል ኒዴ

ውበዕድ በራምጅ ኣክባር እግል ንታይንቱ ነቅፈ ለገሰነ።

ዲብ መዲነት ነቅፈ ሐቆለ ትመዩነ ፈጅራተ ዮም 20 ዲሰምበር ኣክል ሕድ ሳዐት 9 ኣዳሕዮት ለዲብ መንዘተ ነቅፈ ለህሌት ቃዕት ሸባብ እብ ትግራይት ለዳለ መዕሉማት ማም እግል ንቀድም ክሉ ኣስክለ ቃዕት ተንክረ። ለቃዕት እብ ፈድል ጅህድ ወጸገም ሰካን ነቅፈ ወእብ ፍንቱይ ኣዋልድ ኣንሳት ነቅፈ እንዲ ትሰርጌት ወገረመት። ክሉ ናይ ዓዳት ለብብሉ እንዲ ለብሰ ዲብ ቃዕት ክማም ገብኡ። ለበርናምጅ እብ ዝክረት ሹሀደ ሐቆለ ኣስተብደ ናይ መክሰቲ ከለመት ለቀደምት ሱሕፍዮት ክልሹም መሐመድ ደባሰ ተ። ታምም ጽብዋለ ከለመት እትለ ሰፍሐት ህለ እክሉ።

ሐቆ እሊ እግል ክብቱ ሰነት ሐዳሲ እብ ማርሐት ደያናት ነቅፈ ቶርተት ትቀረጨት። ሐቆ እሊ ለበናምጅድ መዕሉማት ማም ምን ቀደም እለ ገብእ ለዐለ እብ ፍንቲት ገበይ እንዲ ዳለ ለበዘሐ ሰኣሳት

ልእክት ሰነት ሐዳሲ

ኣይሳት ወኣይሳም ሰካን ነቅፈ። ዮም እብ መናሰበት ሰርሐ ሰነት ገዲመት 2024 ወመትክባት ሰነት ሐዳሲ 2025 ዲብ እለ መንዘል ስሙድ ወሐጠር ወዳሲመት ንዳል ሸብ ሌራትርዮ ላተ ነቅፈ እንዲ መጽኣነ መናሰበት መዕሉማት ማም እንዲ ዲብ ህሌነ ለትሰመዐን ፈርሐት ቅያሰ ኣለበ።



ነቅፈ ሰልፍነ ኢኮን ክእነ በርናምጅ እወዲ እተ ለህሌኩ ክመ ክለነ ዝዘር ቀደም 18 ሰነት በህለት ዲብ ግርበት ሰነት 2007 ምስል ሸብ ነቅፈ ወአንፋር ውዛረት ድፈዕ ክእነ ለትመስል መናሰበት ዋድያም ዐል። ላኪን እትለ ቃዕት እለ እንዲ ኢኮን። ዲብ ቃዕት መድረሰት ፈንዮት ዊነ ዋድያም ዐል። ለመናሰበት ለሀ ግራላ ዲብ ኣስመረ ዲብ ወፊሕ 8 ዕግል ትግራይት ዲብ ዲማት ኣክባር ለወዳናህ። እግል ዐባት ትግራይት እብ ሐሊት ሐዳሲ ብገላም እቱ ለዐልነ ወክድ ሰበት ዐለ። ሰካን ነቅፈ ወቅዋት ድፈዕ እተ ወክድ ለህይ እግል ዐባት ትግራይት እንዲ ትበህሉ። ለትበረዐወ 40 ኣልፍ ነቅፈ ዲብ ሰጅል ውዛረት እዕላም ውሱቅት ህሌት። ፍገራት ናይለ እንቱም ወብዕዳም ለወደወ ህዩ። እብ ትግራይት ዎር ‘ጀህ’ ለትሰመ ክታብ ዕግል ትግራይት ትጠበወ ወሳምንታይት ጀሪደት እብ ትግራይት እግል ትፍገር ኣስተብደት።

እትሉ ወክድ እሊ ውዛረት እዕላም እግል ነቅፈ ውበዕድ ድዋራት ኣህምዮት ዐባይ እንዲ ሀበት እብ ትትቀደረ ትክድም ህሌት። ዎር ምን እሊ ዲብ ነቅፈ ኤፍ ኤም እግል ተህሌ ክምሰልሁም ቻንል 2 ትልፍዝዮን ሰበት ኣስተብደ ዮም ሰካን ነቅፈ ክምሰል ሰካን ኣስመረ ውበዕድ ኣካናት። በራምጅ ሬድዮ እብ ኤፍ ኤም ዲብ ዋባይላቱ ታቤዕ ወበራምጅ ርያደት እብ ቻንል 2 ለዐፊ ህለ።

ለጅህድ እብሊ ለበጥር ኢኮን። ክሉ ጀሪይድ ኤራትርዮ (ትግራይ፡ ትግርኛ፡ ዐረብ ወእንግሊዚ) ዲብ ነቅፈ ለበጽሕ እቡ ኣግቡይ ልትክደም እቱ ሰበት ህለ እንሸክለ እትሉ ወክድ ቅሩብ ምራድነ ተምም። እሊ ላኪን እብ ፍንጌ ውዛረት እዕላም ወፍንጌኩም ለገብእ ጸገም ወጅህድ ሰበት ልሰርገል። ሕነ ለትትቀደረን እግል ኒዴ። እንቱም ለትትቀደረኩም ክምሰል ትወዱ ሸክ ኣለብነ።


ሸብ ነቅፈ ህዩ ክምሰል ክሉ ምዋዋን ጀሪደት እግል ልቅረኣ ሐቆ ምን ሐቆ ሰበት ገብእ እንሸክለ ዲብ ሐቆረ ወክድ ክል ዎር ክጀሪደቱ እት ቃልዕ ወቀርእ እንርእዩ። ወደሐንኩም።

ሰነት ኬር ወበርከት፡ ሰነት ዓፍዮት ወጸርት፡ ሰነት ዐውቱ ወሰርገል ሊደዩ እኑ።

ታሪክ ነቅፈ ወሳሕል ክምሰልሁም ታሪክ ንዳል ወዓፍዮት ለከምከመ ዐለ። ሐቆ እሊ ለእብ ትግራይት ዲብ ክርስ መዲነት ነቅፈ ለገብእ ጅግረ መዕሉማት ማም ዮም 21 ህዩ ምስል ደረሰ መድረሰት ፈንዮት ዊነ ምስል ደረሰ ወመደርሲን እብ ትግርኛ ገብኡ።

ዮም 22 ዲሰምበር ለዲብ ነቅፈ እብ ትግራይት ወትግርኛ ምስል እብ መናሰበት ሰነት ሐዳሲ ለገብእ ጅግረ መዕሉማት ማም እንዲ ኣትመምነ ሰፈርነ ምን ነቅፈ ኣስክ ኣስመረ ገብኡ። ኣሰልፍ ላኪን ክም ክሉ ቤጽኣይ ነቅፈ እብ ሰበት ታሪክ ንዳል ወኣሰር ምናድሊን ለከሰሰ ሐድ ምን ብዘሕ ታርክነ ለነትኣምር እቱ ድፈዕ ፍዳል T ወመሰከብ ምሕርበት ላተ መቅበረት ሹሀደ እንዲ ኣወለዋነ መደት ዲብ ኣሰርላ ሕነ ሰላም እግል ንርከብ ኣርወሐቶም ፍዘ ወጠን ወሸብ ለሰበለው ፍራሰ በጽሐነ ወዲቡ ትዳወን። እብሊ ህዩ ጎግነ እንዲ ኣቅሰንን ኣስክ ኣፍዐበት ኣቅበል።





ጅግራታት ኮበሪት እግር አቅሊም ምግብ ትሉሉይ አስመን



ገብአት። ናይ ደግም ሻምፕዮን ለገብአየ መተላለፊት ደንደን መ እግል ጎዳይፍ 10ኡብ0 ቀልበሆን። ሰለስ ጎል ለአቲት ሄርፕን እዮብ ህዬ ለሐሰት መተላለፊይት ገብአት።

እት ነፍሰል ለምዕል እት ሚዳን ኮበሪት እግር ወጠንያይ ፈደሬሽን ክልኤ ትልህዩ ገብአየ። እስልፍ ሰገን እግል ቅዋት ጀው 2-0 እት ቀልቤ ዳናይት መሓሪ ናይ ሰገን ለሐሰት መተላለፊይት ነበሉት። ተእሚናት ህዬ። እግል እዳረት ሰምበል 14ኡብ1 እብ ፋቶሕ አክጀህ ሳሪኪሆን። አርሴ መ ተኸሌሃይማናት ህዬ ሰለ ጎል እንዴ አቲት እብ ዕጹፍ ሃትሪክ ለሐሰት መተላለፊይት ነበሉት።

እምበል እሊመ። እት ጅግራታት ክልኤ ዲቪዥን ውላድመ። ሰንበት ንኢሽ እት ሰለስ ሚዳን ገብአ። እትሊ ፈሪቅ ጸጸራት እግል ቲራቮሎ 1-0። አርበዕቲ አስመሪ እግል እዳረት ሰምበል 4-3። ቅዋት ጀው ፈሪቅ 'ቢ' እግል ገጀረት 2-1። ደንደን ፈሪቅ 'ቢ' እግል ዕዳገ ሐመሰ 3-1። ሸርከት ሳዋ እግል ማይ ተመናይ 'ቢ' 4-0። ገዛብንዳ እግል ኦክርየ 1-0 ክም ቀልበው። ዕላቃት ግም ፈደሬሽን ኮበሪት እግር ኤሪትርየ ሐበረ።

ለሐልፊት ሰንበት ዐባይ። ክልኤ ድቪዥን አዋልድ። ክምሰልሁ መ ጅግራታት ክስ ደዋር ኩረት እግር አቅሊም ምግብ እት ለትፈናተ መደዳን ገብአ።

ሰንበት ዐባይ እት ገብአ ጅግሪ ክስ ደዋር። እስልፍ ፍሪቅ ማይ-ተመናይ ወባንክ ተልሀው። ማይ-ተመናይ ህዬ እብ ርሒብ 6-0 ቀልበ።

ሐቆሆም ፍሪቅ ፓራዲዞ ወጎዳይፍ ልተልሀው ዲብ ህለው። ዲብ ሱፐር ዲቪዥን 'ኤ' ዐውቲ ራክብ ለይዐለ ፓራዲዞ 3-2 እንዴ ቀልበ ከሓልፍ ህለ።

ትልህዩ መአሰሰት ተዋብ ንዋይ

ውብቅል ምሰል አስመሪ ቢረ ኣክር ዐለት። ተዋብ ንዋይ ወዘርእ። ትልህዩ ሰኔት እንዴ አርኤ። እግል አስመሪ ቢረ ለአብጠረ ወ0-0 ለፈግሪ ዲብ ትልህዩ ዐለት። እብ ሪጎሌታት ህዬ አስመሪ ቢረ 4-3 ቀልበ።

እምበል እሊመ። ሰንበት ንኢሽ ምን ገጽ-ምሴ ሻምፕዮን ኮበሪት እግር አዋልድ እት ስታድዮም አስመሪ ወሚዳን ወጠንያይ ፈደሬሽን ጋብእ ዐለ።

እት ስታድዮም አስመሪ ፈሪቅ ገጀረት እግል ፈሪቅ ዕዳገ ሐመሰ 10ኡብ2 እት ቀልባህን። ሹሻን መብራህቲ ለሐሰት መተላለፊይት

እዳረት አክርየ እግል መተላለፊይት አትናየተት



እዳረት ምዴርየት አክርየ። እት ሸክል (ግራሱ-ሩት) እግል ልተልሀው አጀኒት ኩረት እግር 2ይ ዲቪዥን አትናየተት።

ሙዲረትሰ ምዴርየት አሰይደ ልዩ በረከትአብ። እት ርደደት ዶርም ለአውፈው ልጃን እት ተሐምድ። ርደደት ምን ቅርደ እብ አጀኒት ሰኔ ሄረረት ምን ገብእ ተጠውር ሰበት ተአመጽኤ። እብ ለትወቀለ ልትሸቂ እ'ተ ክም ህለ አክደት።

እሊ ለመሰል በርናምጅ አትናየት ርደደዮን። እተ ሐልፈ ሰኖታት ርሶዕ ክም ዐለ። አክህ ላኪን

እብ ለሐሰ እግል ልትሸቂ እቲ ክም ቲ ገለድ በይአት እሎም።

መደርብ ፈሪቅ አክርየ ሙኒር ዐብደልወሃብ እብ ጀህቲ። ለትፈናተ መታክል እንዴ ተዐደው አክ እት ደረጀት ሰኔት መትዐዳዮም። ለአትናየተቶም እዳረቶም ሐመደ።

ለትህየቡም ኣላት አትናየት ወጀዋእዝ ህዬ። 50 አልፍ ነቅፈ ክም ቲ እት ልትአመር። እት ጀርመን ለነብር እዩሳም እግል ጠወርት ሸባን 800 ዩሮ ለልተመን ኣላት ርደደት እግል እዳረት ምዴርየት ገዛብንዳ ትሰለመ።

ድባርዋ - ጅግሪ ዐጀላት ማውንቲን ባይክ ተ'መ

ጅግራታት ዐጀላት ማውንቲን ባይክ መዳኒት ድባርዋ። ለሐልፊት ሰንበት-ዐባይ 29 ዲሰምበር ክም ተመ ወኪል ኤሪና ምን ኣካን ኣክደ።

እሊ ምን 8 ዲሰምበር እንዴ አንበተ ለአተላለ ጅግራታት። ሰለስ ዲቪዥን እቲ ለልተልሀው ውላድ ወዎር ዲቪዥን አዋልድ ለሐየብ ዐለ። እት ሰንት 2024 ዐደድ ሸባብ እብ ግመት። አዋልድ ህዬ እብ ፍንቲይ እት ዘይድ። መውሀቡም እግል ልፈርጎ በክት ክም ጠፍሐ እሎም ተሐበረ።

እት ሳልሳይ ዲቪዥን ምን ሰነ። ሰነድ ሳምሶም አወላይ እት ለአወልውል። ናታን ገብሬ። አደናይ ገብሬሰሳላ። ደጀን ሀብቲማርያም። ኤሽን የውሀንስ ወሳምሶም ዮናስ ደርቡ ከዋ ለኪደው ዐለው።

ምን ክልኤ ዲቪዥን ህዬ። ሳይሞን ጸጋዝእብ ምን ፈሪቅ ሰላም ተዐውተ። ሚላዊ ሳምሶም ምን ረሀዋ። ምሰግና እያሱ - ራሀዋ። አሚናዳብ ርእሶም - ሓድነት። ኬብርን ገብሬትንሳኤ ወተመሰገን ከሕሳይ ምን ፈሪቅ ሰላም አስክ ሳድሳይ ደርብ ሕድ ለአተው ቶም።

ምን አዋልድ ህዬ። ጽጌ ብጹአምላኽ እት ትትነሰር። ልዋም ክዳኔማርያም።



ሳምራዊት ደበሳይ። ዮርሳሌም በረከት። ሲዶና ሳሚኤል ወትካብ አብርሃም አስክ ሳድሰ ተርቲብ ለአተዎ ተን።

እምበል እሊመ። እት አወላይ ዲቪዥን ምን ፈሪቅ ሰላም ሳሙኤል ምክኤል ሰልፋይ ፈግረ። ሄርፕን አብርሃም - ሓድነት። ኤሽን ጎይትአም - ሰላም። ያፊት የማይ - ራሀዋ። አሚናድአብ ወዘራኤል አማንኤል ምን ፈሪቅ ሓድነት ደርቡ ለአተው ቶም።

እብ ንቃዋ ክእሉሉ ህዬ። ምን ሳልሳይ ዲቪዥን ሳይሞን ዮናስ መዳልየት ደሀብ እት ልትሰርጌ።

ናታን ገብሬ ወሰነድ ሳምሶም ወርቅ ወአስራዚ ነሰአው። ምን ክልኤ ዲቪዥን ኬብርን ገብሬትንሳኤ። ሳይሞን ጸጋዝእብ ወሚላዊ ሳምሶም ቶም መዳልየት ለትሰርገው።

እብ ጀህት አዋልድመ። ጽጌ ብጹአምላኽ። ልዋም ክዳኔማርያም ወሳምራዊት ደበሳይ ለሰልፋይት ሰለስ ዕውታት እት ገብአ። ሄርፕን አብርሃም። ሳምኤል ምክኤል ወናትናኤል ሙሉ ምን ፈሪቅ ራሀዋ። ምን 1ይ ዲቪዥን እብ ንቀዋ አሸብረቀው።

ምን ፍሪቅ ህዬ። ምን ክልኤ ዲቪዥን ፈሪቅ ሰላም 42 ንቅጠት እንዴ ሐየቡ። ክስ ወመዳልየት ደሀብ ትሰርጌ። ፈሪቅ ራሀዋ 27 ንቅጠት ወሓድነት እብ 16 ንቅጠት ደርቡ ተለው።

ምን አወላይ ዲቪዥን ህዬ። 41 ንቅጠት ለአክሊል ፈሪቅ ሓድነት ክስ ወመዳልየት ደሀብ ጃቀፈ። ፍሪቅ ራሀዋ ወሰላም ደርብ ሕድ 27 ወ21ንቅጠት እንዴ ሐየቡ ህዬ ክልኤ ወሳልሳይ ገብአው።

ፕሪመር ሊግ እት 19ይተ ሳምንቱ


ለሀረሚት ፍሪቅ እንግሊዝ -ፕሪመር ሊግ እትላ ሳምንመ ጅግራታቲ ዋዲ ዐለ። ገሌሁ ፍሪቅ ደረጀቱ እት ለአትሓይቲ ገሌ ምኑ ህዬ ተሐት ትከረ።

ማንቼሰተር ሲቲ እግል ሌሴሰተር 2-0። ዮቲንግሃም እግል ኢቨርተን 2-0። ክሪስታል ፓላስ እግል ሳውዛምፕተን 2-1። ሊቨርፑል እግል ዌስትሃም 5-0። ኢፕሰዊት እግል ቼልሴ 2-0። ወኒውካሰል እግል ማንዩናይትድ 2-0 ቀልበም።



አሰቶን ሺሊ ውብ ራይ ተን። ቶተንግም ወዎልቭስ ወ ፍ ል ሃ ም ወርኔማውዝ እብ ሕድ መሰል ንቀዋ 2-2 ትፈናተው። ብ ሬ ን ት ፎ ር ድ ወአርሰናል ዮም ምሴት ሳዐት 8። 30 እግል ልተልሀው ክምሰልቱመ እመር ህለ። እት ሰቡረት ፕሪመርሊግ ሰልፋይ ሊቨርፑል እብ 45 ንቅጠት። 2ይ ዮቶንግሃም እብ 37 ንቅጠት ወ3ይ አርሰናል እብ 36 ንቅጠት ጋብእ ህለ።

ክርን ገቢል እት 46 ሐለ



ናይ እሰልፍ እስትድዮ (ፋሕ 1979)



ንሳል ገቢል ለኦሮ ኢላግሙ

ክርን ገቢል ሓድሮ ለዶሮ ኢትትከረዕ ክርን ኣማን ወሰባት ሞራሀ ኢትትሐለዕ ክርን ዕጹም ሰብኣ ዲመ ኢልትወጸዕ ተሀሌ እዩ ወትንበር ነሐረ ኢልትደበኣ ሻንን ልንበር ሲምዓዩ ምሴ ወፈጅር ልትፋ-ገዕ እለ ብሻረት ዐውቲ ተምቡረት ሐበንተ ሐዘተ ትንሰኣ ሳብት ገለዳተ ላለ ወአምዕል ሐንን ትብል ኢትትሐለዕ ክርን ገቢል ኤራትርዮ ረአይተ ወሰመዕ።

ህተ እግል ትትአሰሰ ለብዙሕ መኣሲ ተሐለፈ ጅርቡት ክርቡት ወመራር ሰብኣ እት ህንቲ ኣግሎብ ናጸፈ ኣባይ እግል ልልገመ ረሳሰ ወአጨብል ምን ከፍከፈ ሰባት ምሐርባይ ሐሰቲ ለምን መባዋሩ ኣመት ኢተርፈ ሰብከ እበ ወሳገመ ቀደም ህደም ወባርት ለዕርፍ ትጋረፈ ጀላብ ህተ እግል ትሰርገል ወትንቀም ረቅዕ እለ ወሰፈ።

ወእት ደንገበ ተጃርብ ተዐወተ ምን ኣድብር ሳሕል ህለዮተ ኣመርደ ሰነት 79 እት ንዳል ምን ዐነክል ፈሕ ክርንቲ እት ህወ ሰርፈ።

ብዙሕ መታክል ተሐለፈ ህተ እግል ትትአሰሰ ወተአተላሌ ብዙሕ ምስትንክር ትሸቀ ህለዮተ እግል ልትመርዳ ምግወሕ ወተልቡሰ ከህለ ህተ እግል ትንበር ወተህሌ ዐራይብ ወሰጋይድ ትፈገረ ምን ህደፍ ኣባይ እግል ትሸንኬ ምን ፈሕ እት ኣራግ ወምን ኣራግ እት ሻባይት ዲብ ትትዕዳ መሪር ዐለ ለእዋን ላኪን ከህለ ህተ ሸፍር እግል ትእቴ።

ክርን ገቢል ክርን ሐቅ ለዲመ ኢትትሰቀቅ ብዙሕ ጃረበ እግል ትሕቀቅ ላኪን እብ ፈድል ምሐርባይ ህዋም ገብኣ ወድቀቅ እት ጋድሞታት ወአወድፍግ ትባገረ ወእት ክል ዐዘቅ ወዮም ህተ ትሰቀለት እት ሮሻን ትፈሬ ህሌት ወትትነደቅ።

ኣሰናይን ወኣሰናይ ገቢል ሐቅ እለ መታክል እለ ተዐመረት ክሉ ልትህገን እለ ቅዘር ዒማት ብሻረት ብዙሕቲ ክድመተ ወፈርዶተ እት ሐጨር ኢትሐጨረት እብ ሕድት ትገብሰት ወዮም በጽሐት እት ርሸመት እለ ሰይተ ምን ናሰ መጦር ዐለም መጣወረት ጋበሀቲ ተህዲድ ኣባይ ወመናድሊን ኣሰመደት ቀቦት ባርት ወሰረር ለክርንተ ኢትደአህረት ወኢሐወነት እት ብሩር ለዐለው ወመዳይን ሸበ እብ ህለዮተ በሸረት እብ ሐድ-ሐድ ክም ርምዳት ወሸዐት ወአግደደት ወሐቅ ሕርዮት ህዩ እት መዲነት ኣሰመረ ሐድረት እለ ንሳል ገቢል እምበል ሕላሌ ንዳለ ከድመት።

ዮምመ ክመ ማሌ ህሌት እት ገለደ ህተ የዓረፈት ገቢል ምንመ ኣማደደ ወራታተ ልተላሌ እብ ፈርድ ወህደደ ከረም ወሐጋይ እምበል ዕርፍ ገዳ ለቀረደ። ተአትፋ-ገዕ ሐንገል እግል ተሐድሰ ተአበሪህ ገበይ ኣጅዶል ተአደርሰ ክል መጃል ትፈቴሕ ወክል ጀህት ተሐሰሰ ወራታት ሰቃፈት ኣምር፡ ዕልም፡ ምህር ወሐርሰ ዓዳት ተሐፍዝ ወነባሪ ወሓለት ሓድሮ ወሓልፍ ዐደድ ኣለቡ መጃላተ እብ ትልተል ኢክልሰ ክታብ ኢክፍዩ ውዳዩ ምን ልትሸረሕ ወልትበሐሰ።

ማሌ ናደለት ወኣናደለት ወኣሰክ ኣዜ ኢትካረመ ንዳለ ሳብተት እት ገለደ ሓዋዋ ነብር ተእሪክ ኢትብደለ ድድ ዜልመት በዋረት ኢበርከት ዒጻታቲ ገቢል እግል ተዐንብብ ትትወቀል ዝሕረተ ናሱ መለኣ ወለኣገምለ ኢትትሐገዝ ዲብ ኣሮ ካፊነቲ ማል ሐላለ ንሳል ገቢልተ ወዎሮ ኢላግሙ በዐል ምልክ ልግበኣ ወበዐል ሐለት ለንሳለ እግል ትንንድልቲ ወትወንጅል ዎሮ ኢበዋር ቅባሌ።

ፊነ ብዩ ወልእከት ኣሰክ መዳልዮት በርናምጃተ ኢለኣካርም ወኢልትበተክ ለሄራር ኣሰበተ ታክዶተ ሐንኩነ ወዐሸንጉነ ምን ፎፊነ ወሕቅነተ ደለ ጠዐመት ምን በሸሩነ ክምለ ቀዳሚተ። ገቢል ሓድሮ ክርንካተ ወእንታቲ ትጠረ ምን ኣግመሎት ኢንሕመቅ ሰብ ረዩም ወቅሩብ እት ክል ንዳል መጃል ንሻርክ ወንናቅሽ እግል ዐማረ ክርን ገቢል ክርን ኣማን ዎሮ ኢላግሙ ንሳለ። ኣሌ ክርን ገቢል ክርን ኣማን ዎሮ ኢላግሙ ንሳለ። ዳይም ዝክር እግል ሹህዳነ ዕልእግል ገቢል።

ዐሳማን መሐመድ ምን ምዲነት ነቅፈ



ክርን ገቢል ሐቅ ሕርዮት (ኣሰመረ)